

GE MODIMO A NA LE RENA, GONA MEHLOLO YOHLÉ E KAE?

Ke a go leboga, Ngwanešu Neville. Mantšiboa a mabotse, bagwera. Morago gape. Ga se ka tsoge ka ba eupša diiri tše nne ka mosong wo. Yeo ke dihlong. Gomme ka morago ga go bolela diiri tše nne, le swanetše go lapa kudu ka nna, le tla nthaka go tšwa sefaleng.

[Phuthego e re, "Aowa!" Ngwanebo Ngwanešu Branham, Doc, o re, "Seo se a nkogopotša. Yo mongwe o boletše lehono gore ka mehla o na le sehlopha sa dilo tše di šetšego, tše o ka se tsogego wa fihla go tšona."—Mor.] Ee, mohlomphegi. ["Eupša bošegong bjo, Hani, o ka no ba le nako yohle yeo o e nyakago." Phuthego e re, "Amene!" Doc o re, "Ka fao, ga wa swanela go foša le e tee ya Lona."] Ke na le e ka ba seripa sa Beibele se ngwadilwe mo. [Yo mongwe o re, "O na le bošego bjohle, go rera."] Re na le banešu ba mmalwa ba bohlokwa mo, re nyaka go ba kwa.

[Phuthego e re, "Amene."—Mor.] Gabotse, diiri tše nne. Ga ke tsebe se theipi yela e ilego go sona.

Kgaetšedi wa ka o mpiditše, ka morago ga tirelo, gomme o rile, "Ga gwa swanela go ba go bile yo mongwe gape." A re, "E swanetše go ba e be e no ba go nna. Gomme ka re," go monnamogatša wa gagwe, "Junior, a re, 'o nagana eng?' 'Oo,' o rile, 'Ke kwele Ngwanešu Branham a dira bokaone go feta seo.'" O rile, "Gona ke be ke ne kgonthe yohle e tlile go nna," o boletše.

Ke a dumela o morago kua, goba ke tla e bolela go yena, eupša ke tla no e lesa e ye. Delores, o go kae? Ga a gona fa. Gabotse, ke tla e bolela gona. O rile, "Ke bile le molato wa go šomiša feela nthathana ye nnyane ya, le a tseba, meikapo; go ripa feela nthathana gannyane." O rile, "Seo se fedile." O lemogile o be a se a be a hwa nako yeo, le a bona. O swanetše go hwa, o o file molaetša wa... bakeng sa Ngwaga wo Moswa. A nke Morena a fe ditšhegofatšo tša Gagwe.

Go bose kudu, bošegong bjo, go bona bontši kudu ka gare. Ngwanešu Graham Snelling, ke sa tšo tsena ka nako go mo kwa a tswalela pina yela ya kgale, "Gomme Re Tla Ya Go Dula Thabeng ya Tsione."

Ke a thanka ga go motho ka fa a tsogego a elelwa Rabbi Lawson yo monnyane. A yo mongwe le yo mongwe o a mo gopolā? Ya, ba babedi goba ba bararo ba lena, Ngwanešu Graham yoo... le Ngwanešu Slaughter. Seo se ntirile ke nagane ka Ngwanešu

Lawson. Le elelwa ka fao a bego a tlwaetše go opela? Yo monnyane, moisa wa nthathana, ke mmidițiše “rabi” gobane o be a apara ye nnyane, ya mphaphathi, kefa ye ntsho. O be a le moreri wa Pentecostal. Eupša, digalase tše kgolokgolo tša legapi la khudu, gomme ke rile, “O no lebega boka rabi.” Gomme kafao ka mehla re be re mmitša, “Rabi Lawson,” ngwanešu yo monnyane wa go makatša. Gomme o—o be a tšofetše bjalo, o be a etla a inamela ka gare; a thulwa ke koloi, gomme ya thatafatša matolo a gagwe. O be a tla lekeletša diphata tša gagwe, goba lehlotlo la gagwe la go sepela, ka lehlakoreng *le* mo. Gomme ke be ke tla dula fase ka setulong. Gomme ge a fihla godimo kua go karolo yela, “Mabilo a bophelo bja go hwa a tla ema tsi,” o tla topa lehlotlo lela la kgale, a obeletša godimo ga legetla la gagwe, gomme a le kgwaetše thwi go dikologa molala wa ka, le go ntliša godimo ka mokgwa *wo*, go bea letsogo la gagwe go ntikologa, le go re, “gona *re* tla ya go dula thabeng ya Tsione.”

⁸ E ka ba mang, e ka ba mang gape ka fa a kilego a tseba Rabbi Lawson? Feela ba se bakae ba lena. Ke nyaka go bolela se, gona. Selo sa go se tlwaelege se diregile go yena. O be a le wa kgonthe, moreri yo monnyane, ngwanešu yo mokaone. Gomme o—o be a se na le ditaolo tše kgolo; yeo e be e se mišene wa gagwe. Eupša, ke a dumela o phetše go rereša go se a bego beilwe go se laola, seo ke kgwekgwe ya selo.

⁹ Gomme mosadimogatša wa gagwe o naganne o be a sa dire tšhelete ya go lekanela, a rera, kafao ba, o nyakile a hwetše mošomo. O ithutile Beibele nako yohle. Kafao letšatši le lengwe o ile a befelwa ka yena kudu, o ile a no topa Beibele thwi go tšwa difarong tša gagwe, o E tšeetše godimo, le go phagamišetša setofo godimo, le go e hloma ka setofong gomme a E tšuma. Dikgwedi di se kae ka morago ga fao, o be a beakanya mabone tsoko a Krisemose, mollo wa mohlare wa Krisemose o mo swere le go mo tšuma, thwi ka lefelong la go swana. Le a bona, o buna se o se bjetšegeo. “Le se kgwathe motlotšwa wa Ka, le se ke la dira baprofeta ba Ka bošula.” Le a bona?

¹⁰ Go naganeng ka Lentšu la Modimo. Bona batho bao ba bilego le kotsi ntle fale, gomme morago Sathane o lekile go senya ya bona . . . Ke no ba bona ba phagamela godimo morago kua, feela nako yeo, go dumelela yo mongwe ka gare. Letoroko la bona, ka go direga se sengwe le se sengwe ka kamoreng yela se swele lore. Ke be ke le ntle fale. Selo se nnoši seo se bilego gona, ke a nagana, e bile Beibele ya kgale ya go šegofala gomme, ke a nagana, puku ya ka le ya Ngwanešu Osborn. Se sengwe le se sengwe se tshumilwe lore, ka go letroki la bona. Ke topile Beibele, e no ba muši gannyane ka ntle. Ke boditše kgaetšedi le ngwanešu gore letšatši le lengwe, Morena ge a rata, ke tla rata go tšeа yeo go ya phuluphithing fa, le go rera ka sehlogo, “Magodimo le lefase di tla feta, eupša Lentšu la Ka le ka se ke.” Ge yohle e ile, Lentšu le sa le gona. A ga go makatše ka fao Modimo a tshwenyegago

ka Lentšu la Gagwe? Gomme gona a nke Lentšu lela le be ka go lena, O tla le hlokomela. Yeo ke nnete.

¹¹ Lebakeng la nako ya meetsefula. Ke be ke rera mo bošego bjo bongwe, ke tlogetše Beibele ya ka. Mafula a '37 a tlile ka bošego, go nyakile, ge a swietše go kgabola tabarenekele; a kukile phuluphithi ye ya go swana, a e rotošeditše thwi godimo (go be go se na siling ye nngwe ka fa nako yeo) gomme a e beile thwi kgahlanong le siling. Lentšu le le ka tlase ga phuluphithi; sebakeng sa lona go nwelela, le phaphametše, a le tšeetše thwi godimo go siling. Gomme ke fehlile gohle go dikologa godimo fa, ka sekepe. Gomme morago ge meetse a ile tlase, e tlile fase gomme e be e robetše thwi mo go tema ya go swana ke bego ke bala go tšwa go yona, ka morago ga lefula. "Magodimo le lefase di tla feta, eupša Lentšu la Ka le ka se ke." Yeo ke nnete. O a makatša. A Yena ga a?

¹² Ka potego, ke—ke nyaka go tloga mo, ka pela ka kgonthé, gobane ba na le badiredi ba bantsi ba bakaone. Ke naganne ke tla ba biletša bohole sefaleng, eupša ga re ne madulo bakeng sa bona. Gobane, ke bone ba mmalwa ge e sa le ke etla fa, ka go batheeletši, bao mohlomongwe ba nago le molaetša bošegong bjo. Re nyaka go kwa go tšwa go modiša wa rena, go tšwa go ba go fapano, mo—mo molaetša wo ba nago le wona dipeleng tša bona, bakeng sa bošegong bjo. Gomme ke tla no ba yo mokopana ka kgonthé, le go leka go bolela se sengwe se sennyane.

¹³ Gomme ka gona re thoma se sengwe bošegong bjo, goba se sengwe se a direga bošegong bjo, ge Modimo a rata, seo re sa nkago ra se dira ge e sa le ke . . . mo nakong ya bophelo bja ka. Ke nno nagana ka yona letšatši le lengwe, ke biditše Ngwanešu Neville, gomme o naganne e be e le kgopolu ye botse. Sebakeng sa tlhakahlakano yohle ya go letša dinakana, le go goeletša, le go tšwelapele, le go nwa, gomme le go hlotlola ga Ngwaga wo Moswa, le go ya pele ka mokgwa woo, re ya go tla aletareng le go tšea selalelo, mo bošegogare. Le . . . Gomme yo mongwe le yo mongwe wa rena, ge re theetša mantšu bošegong bjo, go tšwa go badiredi ba ba fapanego, a re beng tlhomphokgolo ka kgonthé.

¹⁴ Bjale, Lamorena la go feta bošego, ke file Molaetša wa Krisemose. Gomme ka gona ke rile go kereke, go batho go tšwa Georgia le mafelong a go fapano, "Le se ke la tla," ka baka la gore e tla weša bana ba bona go tšwa go Krisemose. Ba—Ba a e lebelela, ba no ba bana. Gomme ke tla le hweletša ditheipi. Bjale, lena ba le sego la hwetša go tla, the—the theipi e tla lefša ke nna. E no dira Ngwanešu Wood le bona ba tsebe, gomme ke tla—ke tla e hlokomelela yona, le go hwetša theipi.

¹⁵ Gomme bjale, bošegong bjo, ke no nyaka sa pele go bolela selo se tee se, pele ke bala sehlogo sa ka.

¹⁶ Gomme ka kgonagalo, go rereng, re tla ba thwi godimo, go nyakile go fihla bošegogare. Gomme ka gona re ya go, e ka ba

lesometlhano, metsotso ye masomepedi pele ga lesomepedi, re tla ntle le go tliša khoša ntle, se—se Selalelo sa Morena, kwana ya paseka. Gomme ra e bea ntle mo, khoša, gomme ka gona ra fa ditebogo go Modimo, le go ema aletareng, ka dihlogo tša go inama le dipelo, le go tsea selalelo sa Morena. Gomme ke a nagana kamora e tletše bagatiši ka kua, le go ya pele. Ga ke tsebe ge eba re . . . O reng? Ba tla tšwa ka nako yeo, kafao ga ra swanela go tlogela go hlapiša maoto, le gona. Gomme gosasa ke Mošupologo, gomme ba bangwe ba batho, go tšwa ka ntle ga toropo, ba na le nako ye ntši go ya gae. Gomme go tshepeng gore Modimo o tla le šegofatša bjale.

¹⁷ Gomme ye go molaleng e tla ba nako ya mafelelo ke tla bago le lena, go fihla ke etla morago go tšwa Bodikela. Ke ya ntle Arizona, mohlomongwe go ya Louisiana pele, gomme morago go ya Arizona le California. Gomme ka gona ka pela ge ke bowa morago, ke holofela go ba le lena gape. Go fihla nako yeo, rapelang.

¹⁸ Ga se ka ke ka dira lenaneopeakanyo le le itšego. Ke a dumela ke bona Ngwanešu Borders, bošegong bjo, ka kopanong. Ke biditše šedi ya gagwe mosong wo. Gomme o boloka rekoto, gomme o tlišitše puku go nna letšatši le lengwe, ya mehuta yohle ya ditaletšo. Eupsa ka mokgwa wo mongwe, lebakeng la nako ye, Moya wo Mokgethwa o rile go nna, “Eya lefelong le tee. Gomme ge o feditše fao, Ke tla go botša mo o yago go tloga fao.” Le a bona, go no hlahlela thwi pele ka mokgwa woo, go dira eng sa go latela. Kafao re swanetše go ba kgaušwi gabotse le mothalo, ge A thoma go dira seo, le a bona, go no tseba e ka ba kae yo mongwe a bitšago le go leta.

¹⁹ E sego bakeng sa sephetho sa Ngwaga wo Moswa, gobane ga re di dire; ga di thuše, le a di roba. Ke bone papa wa ka a lahla sakana yela ya motšoko, bošego bja Ngwaga wo Moswa wo mongwe le wo mongwe; go šetša mo a le lahletšego, gore a kgone go le hwetša letšatši le le latelago. Le a bona? Gomme ke ka tsela ye e yago. A re se direng diphetho. A re kgopeleng kgaogelo le mogau, re kgopeleng kgaogelo ya Modimo.

²⁰ Gomme ge ke sa hwetše sebaka gape, go go feng ga selalelo, go molaleng ka go itlhaganelo ka nako yeo, ke . . . Se ke selo se tee ke dumago go se dira; ye nngwe ya ditlhologelo tša ka ke go bona Kereke ntle le sepatso goba ntle le lengalatsepa, gore Moya wo Mokgethwa . . . Ngwanešu Graham, ye e bile tlhologelo ya pelo ya ka; go bona Kereke ye e tladišwego kudu ka Modimo, go fihla sebe se sa kgone go dula ka go yona kae kapa kae, Moya wa Modimo o e biletša ntle thwi, kae kapa kae e lego. Ke nyaka go bona seo.

²¹ Gomme selo se tee seo ke se hlologelago, pono e tee ye kgolo go tšwa go Morena yeo ka mehla ke dumago go ba le yona go tšwa go Morena, O mphile yona mosong wo mongwe, e ka ba ka

iri ya lesome mosong. Gomme seo se kgotsofadiše tlhogelo ya ka. Lebaka la mengwaga le mengwaga, ge e sa le ke eba modiredi, ke hlologetše go bona seo, gomme mafelelong sa tla go phethega. Bjale ke thabetše Modimo kudu. Ga se ke bolele selo ka yona, ke no ba le yona e ngwadilwe fase. Gomme ke a tseba e no ba tlwa se ke bego ke se kgopela, nako yohle.

²² Gomme bjale ke a rapela le go tshepela go Modimo. Gomme bošegong bjo, ka boswa, ke gafela bophelo bja ka go Yena, godimo ga phuluphithi ya Gagwe. Tlhologelo e tee yela ye kgolo bophelong bja ka ke go kokobela kudu pele ga Modimo le pele ga batho ba Gagwe. Go tsebeng gore yeo ke ye nngwe ya diphošo tše kgolo tša ka, ke go swanelo go šogana le setšhaba ka tsela ye bjalo, go tšere bontši go tšwa go nna, bjo bo bego bo le fao. Ke a tshepa gore Modimo o tla bušetša gape thabo yela yeo nkilego ka ba le yona. E sego boka ke lahlegetšwe ke thabo ya ka, aowa; eupša ke ra gore ke nyaka bontši bja yona, bontši, boikokobetšo bjo bontši, go hlankela Morena. Ngwaga wo o tlagwo, ke tshepisitše Modimo, ge A ka ntumelela go phela, le go mpha go phelega le maatla, ke tla leka go ba mohlanka wa Modimo, le ngwanešu go motho, ka pelo ya ka yohle.

Modimo a le šegofatše bjale. A re inamišeng dihlogo tša rena feela nakwana.

²³ Bjalo ka lefase, Tate, le dikologa go rarela ekhweita, bjalo ka ge re botšwa, bjale le tla thoma gape bjale go sepeleleng morago go leba... go tloga letšatši le lekopanakopana la ngwaga, go ya go le letteleletelele. Feela nako ye kopana, gomme dinakana di tla be di letšwa, batho ba tla be ba goeletša, dipele di tla be di lla; gomme ngwaga wa kgale o ile, gomme ngwaga wo moswa o a tla. Tate, re a Go leboga, gore Wena o re dumeletše go bona ngwaga wo wa 1961. Gomme re a rapela O re lebalele bakeng sa dibe tšohle tša rena tše re di dirilego go kgabola ngwaga wo. Gomme ge go ka be go bile selo se tee seo re se dirilego seo se lokilego, Leina la Gago le tumišwe. Ka gore e be e se rena, ba go se be le maswanedi; eupša e be e le Wena, Moya wo Mokgethwa wo mafelelong o kgoromeleditsego tsela ya Wona ka bophelong bja rena, godimo ga seemo sa rena sa go tsogela maatla, le go dira se sengwe seo se godišago Modimo. Re tletše tebogo gore O e dirile. Tate, re tla rapela bošegong bjo gore O tla re gatelela nako ye nngwe le ye nngwe, le go dumelela thato ya Modimo go dirwa ka maphelong a rena.

²⁴ Gomme, bošegong bjo, bjalo ka dikereke kgaetšedi tša rena, badiša ba tšona ba dutše fa; Ngwanešu Graham wa rena, le baena go tšwa dikarolong tša go fapano tša naga; Utica, Sellersburg, le Georgetown, e ka ba kae go lego. Disoulo tše bohlokwa di kgobokane mmogo go tšwa go tše ntši, le Dinaga, bošegong bjo, go re thuša ka go mogobo wo mogolo wo woo re o ketekago; gomme o retolletše nako go go opela ga dipina, go rapela thapelo, le go theetša Lentšu la Modimo. Tlatša pelo ye nngwe le ye

nngwe. Šuthišetša morago go kamaka mo gongwe le mo gongwe. Tloša poifo ye nngwe le ye nngwe. Tloša molapo wohle. Gomme a nke Moya wo Mokgethwa o sepelele ka dipelong tša rena, le go bjala Lentšu. A re beng tšhemmo yeo Lentšu le tla welago ka gare, yeo e tla tlišago pele dikenywa ngwageng wo o tlago. E fe, Morena.

²⁵ Nthuše bjale, bjalo ka ge e le nako ya ka, letengwa le wela go nna ka nako ye, go bolela. Ke a rapela gore O tla tlotsa mantšu ao a boletšwego. Gomme a nke a ye ntle ka tlase ga tlotsa ya Moya wo Mokgethwa, ka ditetelo, Morena, go tliša batho, bao ba sa Go tsebego, go Wena; le bao ba lego fao, a nke ba be le tumelo ye ntši, go Go direla. E fe, Morena. Gomme thuša segalontšu sa ka, le go ba le go go gohlola go go be, le go lapa go tloga go Molaetša wa diiri tše nne mosong wo, Ke a rapela gore O tla nthuša. Thuša bohole ba rena, le go re bea leemong bjale bakeng sa tirelo ye e tlago le selalelo.

²⁶ Šegofatša kereke ye le modiša wa yona, Ngwanešu Neville wa rena, bahlokomełaphahlo ba yona le matikone a yona, gomme a nke ba direle ka bogale kudu ngwaga wo go feta nako efe kapa efe pele. Ke a Go leboga bakeng sa tirelo ya bona le bogale bja bona. Ka fao ba emego hleng le nna ge ke hlokile yo mongwe go ema hleng le nna! Ngwanešu Neville le Ngwanešu Roy Roberson, le bohole baena ba bohlokwa ba ba emego hleng le rena ka dinako tša bothata, gomme, ka tlase ga boetapele bja Moya wo Mokgethwa, ba dirile diphetho ka bokaonekaone bjoo ba tsebilego bjang. Gomme diphetho tše ba di dirilego, di netefaditšwe go ba ka go thato ya Gago, ka gore O šegofaditše diphetho tše bona. Modimo, tšwelapele go ba le bona. Re thuša bohole, mmogo bjale. Re kgopela ka Leina la Jesu. Amene.

²⁷ Bjale, go lena ba le tšeago dihlogo; le go tshepa gore le tla be le nthapediša. Gomme dinakwana di se kae, ke tla rata go biletša šedi ya lena go karolo ya Lengwalo e hwetšwago ka go Puku ya Baahlodi, go tema ya 6, go thoma go temana ya 7. Ke tla rata gore le theetše ka go homola, le go theetša Lentšu.

²⁸ A le kgona go nkwa ka morago, go lokile? Phagamišang diatla tša lena, ge le ka kgona. Gabotse. Gomme ge ba šetša, e ka ba mang a lokišago segodišantšu se, o tla šetša seo se rwelego. A ditheipi di tla ka gare?

²⁹ Baahlodi, tema ya 6, temana ya 7. Bjale theetšang sekgauswi, gobane ke ya go bolela ka ye mo dinakwaneng di se kae.

*Gomme gwa tla go phethega, ge bana ba Israele ba
lletše MORENA ka baka la Bamidiani,*

*Gore MORENA o rometše moprofeta go bana ba Israele,
yo a rilego go bona, Go rialo MORENA Modimo wa Israele,
Ke le tlišitše godimo go tšwa Egepeta . . . ke le tlišitše
pele go tšwa ntlong ya bokgoba;*

. . . Ke le hlakodišitše go tšwa diatleng tša Baegepeta, le go tšwa diatleng tša bohole bao ba le gateletšego . . . go ba raka pele ga lena, le go le fa naga ya bona;

Gomme Ke rile go lena, Ke nna MORENA Modimo wa lena; se boifeng badimo ba Baamoro, ba le dulago nageng ya bona: eupša ga se la obamela segalontšu sa ka.

Gomme go tlide morongwa wa MORENA, gomme a dula ka tlase ga moouko wo o bego o le ka Ofira . . . o bego o le wa Joase Moabisere: gomme morwa wa gagwe Gideone o fotše korong ka go bofohlelamorara, go e uta go tloga go Bamidiani.

Gomme morongwa wa MORENA a tšwelela go yena, gomme a re go yena, Yena MORENA o na le wena, wena monna yo maatla wa bogale.

Gomme Gideone o rile go yena, Oo Morena wa ka, ge MORENA a ne rena, gobaneng gona sohle se se re wela? gomme mehlolo ya gagwe yohle e kae ye botatawešu ba re boditšego ka yona, ba re, A MORENA ga se a re ntšha ka Egepeta? eupša bjale MORENA o re tlogetše, le go re gafela ka diatleng tša Bamidiani.

Gomme MORENA a lebelela godimo ga gagwe, gomme a re, Eya ka go maatla a a gago, gomme o tla phološa Israele go tšwa diatleng tša Bamidiani: a Nna ga se ka go roma?

³⁰ Ge go thabiša Modimo, ke duma go tšea sehlogo fao, godimo, ke a dumela . . . e ka ba temana ya 14, moo E rilego, *Ge Modimo A Na Le Rena, Gona Mehlolo Yohle E Kae?*

Bjale, bohole re tlwaelane le Baahlodi, ba Israele.

³¹ Le ka fao gore ba dirile Baisraele; Bafilisita, Bamidiani, Baamoro, gomme bohole ba go fapania ba tlide ka gare boka ditšie le go no ja se ba bilego le sona, le go se tšea, le go ya pele. Eupša, a le etše hloko, ga se ba ke ba kgona go dira seo go fihla Israele la mathomo e ewa go tloga go Modimo.

³² Diabolo a se kgone go Bea leoto godimo ga gago, go go kweša bohloko, go fihla pele o tloga go Modimo. O swanetše go elelwa seo pele. Hlodishiša ge e ka ba eng e direga, bona ge eba o ka go Tumelo, goba aowa, bona seo ge eba o thwi godimo lefelong le Modimo; gona, elelwa, diabolo a ka se kgone go go dira bošula, o ka go Kriste.

³³ Gomme lefelo le mo, re be re sa tšwa go tlogela . . . Mengwaga e se mekae pele ga le, e be e le moprofetagadi, Debora; le Baraka. Le ka fao a profetilego le go ba botša ba dire eng, gomme e be e no ba nnete tlwa; Baraka, mohlabani yo mogolo; le ka fao gore ba dirile pina, ya phenyo godimo ga lenaba. Eupša ka pela

ge ba tšwetše ka ntle ga bothata, ba ile thwi morago ka go mpilobilo gape.

³⁴ Ge seo e se seswantšho sa kereke lehono! Feela ka pela ge e tšwela ka ntle ga bothata, thwi ka go bjo bongwe e a ya. Eupša nako e ttile bakeng sa tiro. Gomme seo se a swana bjale, nako e ttile bakeng sa tiro. Nako e ttile, ge go bapala kereke go ttile go ema, le Modimo. Ga go sa na go bapala kereke. Re swanetše go ya tlase tabeng. Gomme ke a tshepa gore Modimo yola wa go swana o tla bea se godimo ga pelo ya batho bošegong bjo, gore ke nako ya go emiša go bapala kereke, go bapala bodumedi, go bapala toko, gomme bjale ke nako ya tiro.

³⁵ Bjalo ka ge ke be ke bolela mosong wo godimo ga thuto ya seo Tswalo ye mpsha e bego e le sona, le ka fao re tlago go yona, ka nnete seo se sa nwelela ka pelong ya gago. Bjale nako e ttile go dira godimo ga se o tsebago go ba Therešo. O ka se kgone go dira ka tumelo go fihla pele o tseba se o se dirago. Sa pele o swanetše go tseba se o se dirago, pele o ka ba le tumelo go se dira.

³⁶ Yo mongwe o rile go nna nako ye nngwe, ngaka ya go tsebega, o be a bolela ka mohlolo wo o diregilego magareng ga . . . motho wa go babja. Gomme o rile go nna, “Moreri, a ga o dumele, ge o boditše bona batho go ya ntle le go kgwatha mohlare goba kota, selo sa go swana se tla direga?”

³⁷ Ka re, “Aowa, mohlomphegi.” Ka re, “Ka baka la gore o ka se kgone go ba le tumelo, ka go kgwatha mohlare goba kota.”

³⁸ Tumelo ga se ya hlepha goo. E swanetše go theiwa godimo ga ntlha ya go ikgetha. O swanetše go tseba se sengwe ka ga se o nago le tumelo ka go sona, pele o ka ba le tumelo ka go sona. Kafao sa pele re swanetše go tseba *bjang* le *eng*, se tlhologelo ya Modimo e lego, se peakanyo ya Modimo e lego, le mokgwa wa go batamela Modimo ka peakanyo yeo. Gomme ka gona re ka kgona go sepela ka sebete go ya Teroneng ya Mogau, le go kgopela se peakanyo e re tshepišitšego.

³⁹ Bjale, ba be ba bapala kereke. Feela ka pela ge ba tšwetše ka ntle ga bothata bjo botee . . . Modimo o ba hlakodišiše. Gona, sebakeng sa go ya pele le go hlankela Modimo, go boneng seatla sa Gagwe se maatla, ba phetlela thwi morago ntle ka go dilo tša lefase gape. Gomme kafao nako e ttile, ge, Modimo o biditše go emiša. Gomme go swanetše go ba ka tsela yeo.

⁴⁰ Gomme ke nagana ke nako ya go bitša go emiša bjale. Re phetlile Lentšu la Modimo, go lekanelo mokgatlo wo mongwe le wo mongwe o lego lefaseng. Peakanyo ye nngwe le ye nngwe yeo motho yo mongwe le yo mongwe a e hlomilego go e dira. Re phetlile Lentšu go Le dira ka tsela *yela*, le go phetla ka tsela ye nngwe go Le dira go swanela peakanyo. Eupša nako e ttile, go emiša, go emiša go bapala kereke ga lena. Nako e ttile ge batho ba re, “Ge o ka no hwetša Moya wa go lekanelo, go bina ka Moya; ge o ka

kgona go hwetša go lekanelo, go bona dietša pele ga mahlo a gago; goba maikutlo go keleketla go theoga mokokotlo wa gago, goba meroromelo tsoko, maikutlo tsoko; o O hweditše!" O na le se sengwe; eupša, nka se bolele feela se o bilego le sona, go fihla ke bone ke mohuta ofe wa kenywa o di hlogišitšego.

⁴¹ Ge re ile go e kgabola, mosong wo, o ka se letele lesea go tswalwa le le monna. Le swanetše go golela go yona. Gomme re golela ka go Kriste, go leemo la go tlala. Se sengwe... E sego yo mongwe o a sokologa bošegong bjo, gomme gosasa o ya go rera Ebangedi. Re golela godimo ka go bona, go ya ka go leemo la Kriste.

⁴² Bjale, re hwetša gore ge batho ba Modimo ba tsena bothateng, Modimo ka mehla o ba romela moprofeta ka Lentšu la therešo, go ba ntšha. Ga se nke le nako yeo batho ba Modimo ba ka tsogego ba tsena bothateng, ntle le ge Modimo a ba romela Lentšu la Gagwe. Gomme Lentšu la Gagwe, bjalo ka ge re bile mosong wo, le tla go baprofeta. Gomme ka fao o e lekago, ke go hwetša ge eba ke go ya ka Lentšu. Ge e le go ya ka Lentšu, gona Lentšu la Modimo le ba go phela.

⁴³ Bjale ba bantši ba ka re, "Yo ke moprofeta wa kereke ya rena." "Yo ke moprofeta wa kereke ya rena." Gomme bobedi bja bona, kgahlanong, o tee go yo mongwe, se sengwe se swanetše go ba phošo.

⁴⁴ Bohle re swanetše go bolela selo se se swanago. Ka gona re swanetše go bolela, e sego go fapana, eupša tlwa le Lentšu le. Ke ka fao moprofeta wa therešo a lekwago, ge eba o ne Lentšu. Beibele e rile, "Ge bopaki bja bona e se go ya ka molao le baprofeta, ga go na Seetša ka go bona." Yeo ke nnete. E swanetše go ba go ya ka Lentšu.

⁴⁵ Gomme Modimo ka mehla, ka go taba ye nngwe le ye nngwe, o romela batho mohlanka wa therešo, moprofeta wa therešo yo a tla tlišago Lentšu la Modimo la therešo. Gomme Lentšu la Modimo ke lona le hlakodišago batho, ka mehla.

⁴⁶ Bjale, ge re ka ya morago le go bala temana ya 7 go ya go ya 10, re hwetša, ka fale, ka go temana ye ya 7 go ya go temana ya 10, gore Israele e be e tlogile go Modimo, gomme ba ile morago ka lefaseng gape. Gomme fao, go tšwa lefeeleng, ebile ga a fe leina la gagwe. Ga ke thanke moprofeta o be a ne kgahlego ka leina la gagwe. O be a ne kgahlego ka go selo se tee; Modimo o be a mo tloditše! Ga se a dire phapano ye e itšego ge eba o be a tšerwe ye nngwe ya dikerekemaina tša bona, goba se sengwe gape, ge eba o be a le pišopo goba mopišopomogolo. Selo se nnoši seo a bilego le kgahlego go sona, e bile molaetša wola pelong ya gagwe. Gomme o bileditše batho morago tshokologong, le kwešišo gore Modimo wa bona o be a le Modimo wa maatla le Modimo wa tlhakodišo, Modimo wa mehlolo, yo a ba hlohotšego go tšwa diatleng tša Baegepeta, a bulu Lewatle le Lehubedu, gomme a

ba fepa ka lešokeng, le Modimo wa maatla Yo a kgonnego go tsea naga go tloga go yo mongwe gape le go e fa bona. Amene! Yoo e be e le moprofeta wa therešo. O be a tloditšwe, gomme o be a le Segalontšu sa Modimo go bona batho. O boletše, gore go swanetše go ba bjalo, gobane ba be ba le bothateng.

⁴⁷ Bamidiani ba, le Baamoro, le go ya pele, bohle ba tlie godimo le go ja naga yohle ya bona. Gomme kafao lenaba le be le hlohlile, gomme o swanetše go kopanetšwa! Madira a bona ga se a kgona go e dira, gomme baprista ba bona ga se ba kgona go e dira, gomme dikereke tša bona ga se di kgone go e dira. Kafao, go tšere Lentšu la Modimo, go gahlanetša tlhohlo ya gagwe.

⁴⁸ Lenaba le a bolela lehono. Lenaba le leka go bolela gore, "Matšatši a mehlolo a fetile. Gore, ga go na selo se sebjalo ka kolobetšo ya Moya wo Mokgethwa. Gomme Wo e no ba maikutlo. E no ba maitirišo." Kafao, lenaba le hlohlile, gomme tlhohlo ya gagwe e swanetše go kopanetšwa! Tsela e nnoši re ka kopanago le tlhohlo ya letšatši, ge dikerekemaina di bitša batho go tloga le—le go ba bea ka go mokgatlo *wo*, mokgatlo *wola*; ba tlogela bona basadi ba ripa moriri wa bona le go tlola meikapo; gomme banna, ka mehuta yohle ya maphelo, ba phela bjalo ka bahlokamelaphahlo le matikone; le badiša ka kerekeng, ka baka la gore ba na le Ph.D. goba LL.D. ke senyakwa. Jesu ga se a ke a nyaka monna go ba le seo.

⁴⁹ Senyakwa sa Jesu e bile, "Letang ka toropongkgolo ya Jerusalema go fihla le hlamišwa ka Maatla go tšwa Godimo, gona le hlatse go Nna." Seo se gahlanetša tlhohlo ya gagwe. Seo se gahlaneditše tlhohlo ya lenaba. Seo se gahlaneditše yona ka letšatšing leo. Se tla e gahlanetša ka letšatšing le.

⁵⁰ Bjale ke le nyaka le hlokomele. Go 7 go ya go 10, re bona moprofeta a etla. Go tloga 1 go ya go 7, re bona batho ba ewa. Gomme go tloga go 7 go ya go 10, re bona moprofeta a etla le go fa batho kalafi. Hlokamelang, ga re tsebe mo a tšwago; ga se a ke a bolela go be go le monna, mo—mo Mofarasei, yo e bego e le moprista lebakana. Ga se ya ke ya fa bokamorago bja gagwe. Bona baprofeta, ba emeleta go tloga e ka ba kae!

⁵¹ Lebelelang Eliya. Eliya e bile wa mafelelo, le wa boselela, wa baprofeta ba bagolo, ba baprofeta ba maatla. Se re se tsebago ka bokamorago bja gagwe ga se selo. Ga re tsebe o ile sekolong sefe. Ga re tsebe ke mohuta ofe wa lapa a bego a le ka go lona. Selo se nnoši re se tsebago, gore, Modimo o be a na le yena! Gomme o tlie pele, gomme o tlogile feela e ka ba ka sephiri go swana le ge a etla pele. O tlie go tšwa lešokeng go se tšwe felo, gomme a ya morago ka lešokeng, gomme a ubulelwa godimo ka koloi ya phefo, le go tšeelwa godimo ka Magodimong, ka Mollo. O tlie ka go makatša, gomme o tlogile ka go makatša. O be a se ne bokamorago bja thutamodimo. Ga re tsebe mo a tšwago, tatagwe e be e le mang, mmagwe e be e le mang, bana babo le dikgaetšedi

e be e le bomang. Selo se nnoši re se tsebago, o be a le monna wa Modimo. Modimo o mo tšere lefeeleng, gomme o mo šomišitše, gomme o mo tšeetše morago ka go Felotsoko, ka Bogoneng bja Gagwe. O be a le monna wa Modimo.

⁵² Gomme mo go tla moprofeta ntle, bakeng sa iri yeo, le go ba fa Lentšu la Morena. Elelwang, Yena ga se a ke a ba fa thutabomodimo ye e itšego ya madirwakemotho. O rile, “Ke nna Morena yo a go ntšhitšego Egepeta, ke laeditše seatla sa Ka se maatla, ke laeditše Maatla a Ka.” Ke a eleletša Gideone o be a dutše thwi fale a mo theeditše! “Ke nna Modimo yo a dirilego dilo tše. Gomme Ke le diretše se sohle, gomme go le bjalo ga se la obamela melao ya Ka. Ka go sohle se, ga se la se dira.”

⁵³ Bjale ke nyaka le hlokomele selo se sengwe seo se ka le hlohleletšago. Ka pela ka morago ga Molaetša wa moprofeta yola, Morena o bonagetše tiragalong. Amene! Ka pela ge a file Molaetša wa gagwe, Morena o bonagetše ka tlase ga mohlare. Morena o tlie, ka morago ga Molaetša wa moprofeta, a dutše ka tlase ga mohlare. Moprofeta o file... Batho ba wele, ba tlogile ka go diism tša bona. Modimo o rometše moprofeta wa Gagwe. Ka pela ge moprofeta a feditše ka Molaetša wa gagwe, Morena o latetše Molaetša wa moprofeta, bakeng sa topollo!

⁵⁴ Oo, re phela ka go nako ye botse! Ka pela ge moprofeta a tlogile tiragalong, go diregile eng? Morena o tlie tiragalong! Ka pela ge Johane a tlogile tiragalong, Morena o tlie tiragalong! Go tlabu kudu ka fao Modimo a šomago, eupša O a e dira, o šoma ka tsela ya go makatša.

⁵⁵ Re bala Lengwalo fa, moo Gideone, a tšhogilego, ntle bofohlelongbeine, a fola korong ya go lekanelo, pele ga ge Baflisita goba Bamoaba ba mo hwetša. Yena le papagwe, ntle kua ba hwetša mokgobo wo monnyane bakeng sa dijo tša bona tša marega, ba e fola, ka sephiring, gore ba se kgone go ba hwetša. Gobane, ba nno tla ka gare boka ditsie, gomme ba tšere tšohle ba bilego natšo.

⁵⁶ Yeo ke tsela ye diabolo a dirago. Re hwetša kereke ye nnyane e thomile, se sengwe le se sengwe se eya gabotse, (ke bareri ba bakae ba sa tsebego se go ba therešo?), feela e ka ba ka nako se sengwe le se sengwe se ya mmogo gabotse, moitiriši yo mongwe wa kgale o tla tla thwi magareng ga seholpha selo le go se kgeila diripana. Yeo ke nnete, go hlothola kereke thwi go tšwa go motho, ge a ka kgona go e dira. Le a bona, yoo ke diabolo, o tla ka gare bjalo ka ditsie le go tšeela ntle se se filwego. Bjale ge...

⁵⁷ Gideone ka kgontho o be a le monna wa Lengwalo. Ge Morongwa wa Morena a rile go yena...

⁵⁸ Gomme ge le ka hlokomela, e be e se Morongwa wa Morena mo. E rile, “Gomme Morena,” tlhakakgolo M-o-r-e-n-a. E be e se Morongwa. E be e le Modimo. E be e le the—the theophany ka go motho, ka sebopego sa Modimo, go swana le ge a bonagetše go

Abraham morago ka lešokeng, gomme a lebega bjalo ka motho. Kafao kagona, go beng Motseta, O be a le Morongwa wa Morena.

⁵⁹ Gomme O bonagetše go yena. Gomme O rile, “Wena monna yo maatla wa bogale,” o rile O ya go mo tšea, le go lokolla Israele ka yena.

⁶⁰ Gomme Gideone o botšišitše potšišo yela. A monna wa Lengwalo a bilego! Woo ke mohuta wa motho woo Modimo a tlaggo go wona, yo mongwe yo a tsebago. Gideone o rile, “Ge Modimo a ne rena, ge O le Motseta, gona e kae mehlolo yeo moprofeta a re boditšego ka yona?” O tsebile, mogohle Modimo a ilego, mehlolo ya Gagwe e Mo latetše. O tsebile gore kae kapa kae Modimo a tla bago, mehlolo e tla ba fao.

⁶¹ Gomme o ka letela Modimo bjang, lehono, go šoma ka gare magareng ga batho bao ebile ba sa dumelogo go mehlolo? E ka ba bjang?

⁶² Gomme O mmiditše “monna yo maatla wa bogale.” O rile, “Bjale, ka se, o ya go hlakodiša Israele.”

⁶³ Bjale, yoo o bonagetše boka monna a dutše fale, gomme e be e le Monna. Gomme o Mo lebeletše, gomme o rile, “Aowa, Morena wa ka, ge Modimo a ne rena, gona gobaneng bothata bjo bjohle bjo bo le godimo ga rena? Gomme mehlolo ye re botšwago ka yona e kae? Dilo tše Modimo a bego a fela a di dira di kae?”

⁶⁴ Bjale go na le tsela ye botse ya go tshepa ge eba motseta o a rereša, goba aowa. Ge a na le sebopego sa bomodimo, o tla gana Maatla ao go dira mehlolo yeo. Ge a le motseta go tšwa go Modimo, a ka se bolele feela ka yona, eupša o tla ba le yona; go e tšweletše, le go bontšha gore Modimo yoo a bolelago ka yena o ne yena le ka go yena.

⁶⁵ O rile, “Ge Modimo a be a ne rena, mehlolo ya Gagwe yohle e kae? Gobane, re kwešiša . . .” Theetšang ka fao Lengwalo, Gideone a bilego. Ka mokgwa wo mongwe, o rile, “Ge . . . Re kwešiša gore Modimo ke Modimo yo mogolo wa mediro ye maatla. Ke Modimo yo mogolo wa mehlolo. Gomme ge A le bakeng sa rena, gomme ge A ne rena, gomme O a swana maabane, lehono le go ya go ile, nka kgona go bona mehlolo ya Gagwe kae? Nka kgona go bona Modimo yo kae mo tirong? O kae Yena, ge A le bakeng sa rena?”

⁶⁶ Monna yo maatla wa bogale o kgona go šupa morago go Lentšu la kgale, le go tseba Le lokile, gobane o tsebile se, gore, Modimo ke Sephedi sa kagodimogatlhago. Gomme kae kapa kae Sephedi sa kagodimogatlhago se lego, O tla dira maswao a kagodimogatlhago, ka gore sa kagodimogatlhago se ka go Yena. O no se kgone go tšwela ka ntle ga yona.

⁶⁷ O ka kgona bjang go ema ka sefahlegong sa phefo, ntle le go ba le phefo e foka? O ka kgona bjang go tsena ka meetseng, ntle

le go koloba? Meetse a kolobile. Yeo ke khemikhale ya wona. A kolobile! Gomme ge o tsena ka meetseng, o ya go koloba. Nnete!

⁶⁸ Gomme ge o tsena ka Bogoneng bja Modimo, sa kagodimogatlhago, fao go ya go ba maswao, a kagodimogatlhago le mediro ya kagodimogatlhago ya Modimo wa kagodimogatlhago.

⁶⁹ Kagona, o rile, “Modiro o kae, mehlolo e kae, ge Modimo a na le rena?”

⁷⁰ Letago! Yeo ke yona! Le a bona, moo Modimo a lego, mehlolo e gona. Moo Modimo a lego, leswao la Modimo le gona. Le a bona?

⁷¹ Gomme Gideone, ka Lengwalo kudu, o rile, “Dilo tše di kae?” Ka mantšu a mangwe, ka mokgwa wo, “Ke nna monna, mohlomongwe wa masometlhano a mengwaga ka bokgale,” o be a tla re. “Gomme ke ba kwele ba bolela ka Modimo yo a šomilego mehlolo. Gomme ke ile kerekeng, gomme ke dumetše baprista. Gomme ke dumela baprofeta. Gomme ke dumela Lentšu le le ngwadilwego, disekorolo tšohle. Gomme ke badile ka go disekorolo moo, Modimo, ge A etla magareng ga batho ba Gagwe, se sengwe se diregile.” Gomme Gideone o be a sa tsebe eupša gore yoo e be e le monna a dutše fale ka tlase ga mohlare wo wa mouuko. Amene! Seo ke sohle a se tsebilego, O be a le motho. O rile, “Bjale, ge Modimo a na le rena, mehlolo ya Gagwe e kae? Re nyaka go e bona.”

⁷² Seo ke sa Lengwalo bjang! Ka gore, moo sa kagodimogatlhago se lego, Modimo le leswao la Gagwe ba tla ba le Yena. Moo Modimo a lego, leswao la Modimo le na le Modimo. Re tseba seo. Ge A le ka go batho ba Gagwe, ba tla dira maswao a Gagwe. Feela tlwa.

⁷³ Yeo e bile potšišo yeo Gideone a bilego le yona, “Ya, Modimo o kae? Ge go na le Modimo, ge go na le Modimo le rena, gona a nke ke bone moo leswao la Gagwe le lego. Re boletše gore O a a dira. Gomme ge mošomo wo mogolo wo o robetše pele ga ka . . .”

⁷⁴ Mohlomongwe Mokgalabje a eme fale, O bonagetše boka Mokgalabje. Beibele e rile O be a ne lepara ka seatleng sa Gagwe. Balang pele, tema ya 6, ge le eya gae, goba gosasa nako ye nngwe.

⁷⁵ O be a na le lepara ka seatleng sa Gagwe; Mokgalabje, a bonala bjalo, a dutše ka fase ga mohlare. Gomme O mmiditše, “monna yo maatla wa bogale.” Gomme O boletše gore Modimo o be a eya go dira selo se. Gomme O rile, “Modimo o na le wena.”

⁷⁶ O rile, “Gona mehlolo ya Gagwe e kae? Ge Modimo wa kagodimogatlhago a le fa, mediro ya kagodimogatlhago ya Modimo e kae?”

⁷⁷ Seo se ka bolelwa gabonolo bošegong bjo magareng ga dikereke tša rena. “O kae Modimo yola o kilego a phela? A O

hwile? A O ile? A O a rakediša? A O kgole leetong?” Aowa, mohlomphegi.

⁷⁸ O a swana maabane, lehono, le ka go sa felego. Gomme ge re re re ba Modimo, gona a re boneng moo Modimo a lego. A re boneng maswao a Modimo. Ge tabarenekele ye e emela Modimo, a re boneng Modimo a sepela magareng ga rena. A re boneng disoulo di tswalwa ka Mmušong. A re boneng maphelo a otollwa. A re boneng balwetši, le difofu, difoa, a re boneng mediro ya Gagwe ye maatla e dirwa. Modimo magareng ga rena!

⁷⁹ “Ge Modimo a na le rena, mehlolo ya Gagwe e kae?” O botšišitše potšišo.

⁸⁰ Bjale, ge Modimo a na le batho ba Gagwe, le ka go batho ba Gagwe, a ka se kgone... motho yola a ka se kgone go thuša eupša go dira selo sa go swana seo Modimo a se dirilego. Gobane, ga e sa le motho gape, ke Modimo ka go motho. Ge monna yola a dira dibe, gona Modimo ga a gona ka fale. Ge a rata lefase, gona Modimo ga a gona ka fale. Gomme re a tseba gore Modimo ga a na tirišano le sebe. Bjale ke tla le fa Lengwalo bakeng sa se, feela mo nakwaneng.

⁸¹ Jesu, ge a be a le lefaseng, o ile a botšišwa potšišo ye e swanago. Ba be ba nyaka go tseba, “Wena, o le motho, gomme o itira Modimo ka Bowena?”

⁸² Ge A fodišitše monna ka palsy, O rile, “Dibe tša gago di lebaletšwe wena.”

⁸³ O rile, “Bjale ema motsotso! Wena, o le motho, gomme o lebalele dibe?”

⁸⁴ O rile, “Gore le ke le tsebe gore Morwa wa motho o ne maatla lefaseng, go lebalela dibe, goba go fodiša; ke efe e lego bonolonolo, ‘Tsea malao a gago gomme o sepele,’ goba—goba o re, ‘Dibe tša gago di swaretšwe wena?’” Gomme nako yeo O boletsé le monna, gomme o emeletše gomme a sepela.

Gomme Bafarisei ba Mmotšišitše.

⁸⁵ Gomme Jesu o rile, “Ge le sa Ntumele, dumelang maswao ao Ke a dirago.” Le a bona, ba boditšwe gore go tla ba le Moprefeta, boka Moshe, a tsogela godimo, gomme O tla ba Mesia. Gomme O rile, “Ge Ke sa dire mediro ya Tate wa Ka, gona le se Ntumeleng; Ke phošo. Eupša ge Ke dira mediro ya Tate wa Ka, gomme ga le Ntumele, gona dumelang mediro. Mediro e dira eng? E le botša yo Ke lego. E paka ya Nna. Ke hlatse ya Ka. E sego maitsebišo a Ka, gore ke nna wa kereke ya Presbyterian, goba Pentecostal, nka kgona go laetsa karata ya Ka ya kopanelo; eupša mediro ye Ke e dirago, maswao a Modimo, maswao a Mesia, ke wona a pakago ka Nna.”

⁸⁶ Jesu o rile, ka go Mokgethwa Johane 14:12, ge le be le eya go bea Lengwalo fase, Mokgethwa Johane 14:12, “Yo a dumelago go Nna, mediro ye Ke e dirago o tla e dira le yena.” Amene!

⁸⁷ Ke eng, baena? Ge Modimo a na le rena, mehlolo ya Gagwe e kae? Ge Modimo a le ka go rena, bothata ke eng ka rena gona? Se sengwe sa phošo felotsoko! Ee.

⁸⁸ Jesu o rile, “Ge le sa kgone go Ntumela, se Ke se bolelago; šetšang se se pakago Nna, gobane ke bona ba fago bohlatse bja Ka. Morena Modimo wa lena o rile, ‘Go tla ba le mopropfeta a tsogago boka Moshe. Gomme mang kapa mang a ka se kwego Mopropfeta yo, o tla kgaolwa go tloga magareng ga batho.’ Mesia o be a swanetše go ba le leswao go Mo latela. Gomme ge leswao lela la Mesia le sa Ntatele,” go boletše Jesu, ka mantšu a mantši kudu, “gona le se ke la Ntumela. Eupša ge leswao la Mesia le paka ka Nna, gona dumelang leswao. Gobane, ge o nagana ke phošo, leswao le nepile gobane ke Lengwalo.” Haleluya!

⁸⁹ Ke moo Gideone a nyakilego go fihla gona. Ke moo Gideone a bego a eme. “Oo, ge go na le Modimo yo a nago le rena, re nyaka go bona leswao gore Yena ke Modimo, gore Yena ke Modimo wa go swana, gobane O tla dira maswao a go swana.” Modimo o dirile eng?

⁹⁰ Gideone o rile, “Ema, gomme ke tla ya go tšea wo mongwe, moneelo.” Gomme o ile ntile le go bolaya kgomo, goba kwana, gomme a e apea. O tlišitše borotho gomme o tlišitše kwana, gomme a e bea fase.

⁹¹ Gomme Morongwa o rile, “Ke tla leta fa.” Netefatšang dilo tšohle. E lekeng ka Lentšu. Gomme o rile, “Ke tla leta mo,” mohlomongwe diiri tše pedi goba tše tharo.

⁹² Gidione o tla le moro le borotho, le nama. Gomme Morongwa o rile, “Bjale o tla kwešiša ka se. Se se tla e netefatša.”

⁹³ O tšholletše moro godimo ga mobu, bakeng sa moneelo wa go nwa. Gomme o tšere borotho le nama, gomme o bo beile godimo ga leswika moo a bego a fola gona.

⁹⁴ Gomme a tšea lepara go tšwa seatleng sa Gagwe, bjalo ka Mokgalabje, lepara, gomme a se kgwatha. Gomme ge A se kgwathile, muši o ile ntile, gomme sehlabelo sa swa. E be e le eng? O mo tšeetše morago go Lengwalo, go netefatša se A bego a le sona, Modimo wa go swana yo a bego a na le Eliya godimo ga Thaba ya Karamela!

⁹⁵ Yena wa go swana ke boletšego ka yena mosong wo! Ge o bea soulo ya gago godimo ga aletara ya Gagwe ya mphiri ya kahlolo, go direga eng? Ge A le Modimo wa go swana, O tla tšea sehlabelo! O se neetše ka tlhokofalo godimo ga aletara ya Gagwe, O tla ja sehlabelo sela, gomme lefase le tla be le tšwile go wena. Feela muši o tla wa. Sehlabelo se tla be se sepetše. Ee.

⁹⁶ “Ge O le Modimo, gomme O Modimo wa Beibele, yoo botate ba rena ba bolelago gore o dirile mehlolo, a nke ke Go bone o dira mohlolo, goba a nke ke bone mohuta tsoko wa mohlolo, gore ke tsebe gore Modimo o kopane le nna.”

⁹⁷ Bjale a nke ke bolele se. Ge Modimo a sa dutše e le Modimo, ge Modimo e le Modimo wa go swana A bilego mo matšatšing a a fetilego, ga wa swanela go ya godimo le go šišinya diatla le moreri, ga wa swanela go ya godimo go bea leina la gago godimo ga puku. Tšona dilo di lokile; ga go selo kgahlanong le yona. Ka gona o ya morago gomme wa ba leloko la kereke, le leina la gago pukung; gomme ba go fa lengwalo, gomme o a le rwala. Ka pela ge se sengwe se eya ka phošo fale, o kokomoga boka ga ke tsebe eng, gomme o le iša go kereke ya go latela. Gomme ka pela ge se sengwe se eya ka go fošagala godimo kua, gona o tla le tseela go kereke ya go latela. Le a bona, ga se wa dira gabotse lefelong la pele. Ge Modimo a dula a le Modimo, bea soulo ya gago ya sebe godimo ga aletara ya Gagwe, gomme O tla e kgwatha ka Lentšu la Gagwe le Maatla a Gagwe. Gomme lefase le tla be le tlogile go wena, gomme gona o tla ba sebopiwa se seswa, ge A dula e le Modimo.

⁹⁸ O be a le Modimo wa Testamente ya Kgale. O be a le Modimo wa Testamente ye Mpsha. Ke Modimo wa go swana lehono. “Maabane, lehono, le go ya go ile.”

⁹⁹ Gomme o a tseba gona, tlasse ka pelong ya gago, gore mošomo wa kagodimogatlhago o dirilwe ke Sephedi sa kagodimogatlhago. Ge gatee o nwele, le go kgoga, le go aketša; gomme lena basadi le ratile lefase kudu bjalo, le tšwtšepele le apere meikapo wa lena, le wa lena wo motelele... goba moriri wo mokopana, le go dira dilo tše dingwe le di dirilego; gomme o hwetša gore se sengwe se a direga, gore bodiabolo bohle ka heleng ba ka se kgone go go dira o se dire gape. Se sengwe se diregile, Modimo wa mehlolo o dirile!

¹⁰⁰ O dirile eng? O fetotše pelo ya gago ye mpe, o fetotše ditlhologelo tša gago, o fetotše tlhago ya gago. Lentšu la kagodimogatlhago, ka Modimo wa kagodimogatlhago, le dirile sebopiwa sa nako go ba sebopiwa sa Bokagosafelego. Amene! O tšere lefase go tšwa go wena, gomme o beile Kriste ka go wena, kholofelo ya Letago. Gomme o tladitšwe ka Moya wa Gagwe, le go lokela go kopana le Yena.

¹⁰¹ Modimo a le Modimo; mehlolo ya Gagwe e kae? Ge Modimo a na le rena, mehlolo ya Gagwe e kae?

¹⁰² Ge Modimo a na le kereke ya Methodist, gobaneng basadi bohle ba sa apara moriri wa go kotwa? Ge Modimo a na le kereke ya Baptist, gona gobaneng modiša a sa kgoga disekerete, bontši bja tšona? Gobaneng ba sa gana Maatla a—a Modimo, go fodiša balwetši, le go tsoša bahu, le go bolela ka maleme, le go hlatholla maleme, le dimpho tša seprofeto? Gobaneng ba sa e gana, ge Modimo wa Testamente ya Kgale le Modimo wa Testamente ye Mpsha a sa le Modimo wa go swana? Ge Modimo wa Testamente ye Mpsha, Moya wo Mokgethwa, e sa le Modimo Mapentecostal a teleimago, gobaneng ba sa thube maboto a bona a go aroganya le

go baka seng, le go ba Bakriste ba go tswalwa gape? Nnete. Aowa, yo motee ebole a ka se bolele le yo mongwe. Le a bona, sehlabelo ga se sa swa. Ba ya go kgabola maikutlo, ba dirile seo sohle sa bona . . . Gohle go kgabola mabaka, ka tlase ga medingwana, ba dirile maikutlo.

¹⁰³ Eupša Modimo wa—wa Beibele, yoo ke Modimo, wa go swana maabane, lehono, le go ya go ile, go tšuma lefase le phapano yohle, go re dira dibopiwa tše mpsha ka go Kriste. Ee. Jesu o rile, “Tše di paka le go le botša Ke nna Mang.”

¹⁰⁴ Selo sa yona ke, lebaka re nago le dilo tše tšohle, ke ka gobane re sa tlogela diphapano tša dikerekemaina, dithutotumelo, dikgogakgogano, botsebalegi, le bodiabolo ba lefase, ba re foufatša go tloga go Therešo ya kgonthe ya Modimo. Yeo ke nnete.

¹⁰⁵ Batho ba bantši ba forilwe, ka go amogeleng Moya wo Mokgethwa; bjalo ka ge ke boletše, ba na le dithuto lehono, go swana le diaparo tša Eliya, le—le tšohle dilo tše dingwe tše, Barwa ba Modimo ba ba bonagaditšwego, le diism tšohle tše tša go fapano, le go ya pele, ka lefaseng lehono. Batho ba wela godimo kua ka bofofu, gomme ba ya go kgabola mohuta wo mongwe wa maikutlo, ba tsogela morago godimo ka moya wa swele, ka go hloka phapano, ka go ngangana, ka sebefedi sa godimo. Woo ga se Moya wa Modimo. Go le bjalo ba tšwela pele thwi, ka ntle ga tshepedišo, ga ba tsebe gore tshepedišo ya Kereke ke eng, ga ba tsebe ba itshware bjang bonabeng ka ntlong ya Modimo, ga go mekgwa, aowa, feela ga go nagana ka pela le gatee, ga go—ga go maikutlo go Modimo, tsohle ba naganago ka tšona ke “kereke ya gešo.” Go laetša gore ba amogetše moya wa kereke, gomme e sego Moya wa Modimo; ka gore O rotlela seo sohle go tšwa go wena, go se tšuma. Nnete.

Le a bona, ba re, “O kae Yena?” Ke gore, re na le tokelo go.

¹⁰⁶ Eupša, lebelelang, ge maru a lekeletše godimo ga letšatši, letšatši ka mehla le a phadima. Selo se nnoši seo se le thibelago go phadima go wena, ke maru. Gomme ge o ka tloša maru, letšatši le tla be le hlabile. Amene.

¹⁰⁷ Ngwanešu, eya kgole go tloga go sebe sohle sa rena le dipelaelo tša rena, le dikgakanegokgolo tša rena, Morwa o sa le a phadima ge e sa le Letšatši la Pentecost! Moya wo Mokgethwa o no ba wo mogolo lehono bjalo ka ge O kile wa ba. Eupša dikerekemaina tša rena di khupeditše Lentšu la Modimo, ka go re, “Ke bakeng sa letšatši tsoko le lengwe. Oo, yeo e tla ba, phodišo Kgethwa, e tla ba ka go Mileniamo.” Goba, “Phodišo Kgethwa e be e le morago kua. Ga e lebane le letšatši.”

¹⁰⁸ A ka kgona bjang go swana maabane, lehono, le go ya go ile, gomme go le bjalo phodišo Kgethwa e ile? Maatla a ka kgona bjang, a ka kgona bjang . . . Beibele e beile ka lenaneo, “Ba pele baapostola, baprofeta, barutiši, baebangedi, badiša, bakeng sa

diponagalo gore Ebangedi e sa phela.” Gomme Modimo o ba romela thwi magareng ga rena, gomme re retolla magetla a rena go yona. Modimo ga a šitwe, ke batho ba šitilwe.

¹⁰⁹ “Mehlolo e kae, magareng ga rena? E kae?” Modimo o be a bolela le monna yo, go mo dira komana go ya ntle.

¹¹⁰ Ntšhetšang maru ntle, letšatši ka mehla le a phadima. Yeo ke nnete. Ge dipelaelo di ile, le dilo di dirwa gabotse, mehlolo e tla ba fao feela ka nnete bjalo ka ge Morwa a le fao.

¹¹¹ Letšatši, ka taelo ya Modimo, le phadima letšatši le lengwe le lengwe. Le fao ka gore Modimo o le laetše fao. Gomme ge feela go na le mosegare le bošego, letšatši le tla lekelela fao. Nnete. E sego nako yohle le a le bona, gobane maru a ne lona le khupeditšwe; kgudi, maru, tlase goba godimo, a le khupetša. Eupša ka mehla le gona, le a bona.

¹¹² Gomme selo se nnoši o nyakago go se dira, go bona mehlolo lehono, ge o nyaka go bona mohlolo wa Modimo, nno tlošetša pelaelo ya gago kgole. Tloša tšohle dithutotumelo tša gago, tloša tšohle dikerekemaina tša lena, gomme fao Morwa o phadima ka go itiragalela.

¹¹³ Ke Molao wa Modimo, ka gore Le rile, “O a swana maabane, lehono, le go ya go ile.” Kafao, ge feela A swanetše go ba kua go ya go ile, O kua! Ga go potšišo ka yona, O kua! Mehlolo e kae? Ke eng e šitišago mehlolo? Modimo o rometše Kriste, Kriste o a phela go ya go ile! “Kae kapa kae mo ba babedi goba ba bararo ba kgobokanego mmogo Leineng la Ka, Ke tla ba magareng ga bona.” Amene! “Bonang, Ke na le lena ka mehla, ebile go fihla bofelong bja lefase.” Yena šole, tshepišo ya Gagwe!

¹¹⁴ Bothata ke eng gona? Re dumelše maru a pelaelo, megabaru, pefelo, bojato, dikerekemaina, le dilo tše dingwe, go re phuleletša, go re phuleletša le go re tloša go Lentšu, go re, “bona ba be ba le felotsoko gape,” ba gana Kriste, ba gana kolobetšo ya—ya Morena, ya Moya wo Mokgethwa, ba gana kolobetšo ya Bokriste ya Leina la Jesu Kriste, dilo tše dingwe, mehuta yohle ya dilo, tseo dithutotumelo tša rena di re kgaotšego go tloga go Beibele. Eupša ka go . . .

¹¹⁵ A ga se selo sa go tlabu, mohlolo, gore mo selebaneng sa yona yohle, Ngwanesu Way, ka selebaneng sa dikerekemaina tšohle, ka selebaneng sa baswaswalatši bohle, Beibele e sa dutše go swana? Go tlie bjang gore E tsoge e fenya ledimo? Modimo o ikemišeditše go ahlola motho yo mongwe le yo mongwe ka Beibele. Gomme Beibele ke Lentšu, gomme Lentšu ke Kriste. Yo mongwe le yo mongwe, motho yo mongwe le yo mongwe o tla ahlolwa ka Leo.

¹¹⁶ Tlošang maru, gona go direga eng, letšatši le thwi fale; selo se nnoši le swanetše go se dira lehono. O se re, “O Jesu, etla gomme o mphodiše! O Jesu, mphe Moya wo Mokgethwa!” E no tloša maru, O šetše a le fao! O tlie mengwaga ye makgolo a

lesomesenyane ya go feta, gomme O sa le fao. Gomme ka mehla O tla ba fao! “Ke a phela go ya go ile, wa go swana maabane, lehono, le go ya go ile.” Yeo ke nnete!

¹¹⁷ Bjale, Gideone le batho bale fale, pele ba ka bona, goba ba ka tsoge ba kgona go ya, go bona mehlolo ye ya Modimo, go be go le peelano yeo e swanetšego go phethagatšwa. Go swanelo, go bona Maatla a mehlolo, ba ile ba swanelo go dumela. Gape ba ile ba swanelo go dumela le go obamela Lentšu la moprofeta, go bona mehlolo ya Modimo. Bjale, elelwang, pele gore ba kgone go bona mehlolo, ba ile ba swanelo go obamela se moprofeta a se boletšego.

¹¹⁸ Gomme pele re ka bona mehlolo ya Modimo, re swanetše go obamela se baprofeta ba se bolelago. Beibele ke Moprofeta, go rena. Yeo ke nnete!

¹¹⁹ Ge monna, ga go kgathale o ipitša moprofeta wa Modimo gantši gakaakang, wa Baptist, Methodist, Pentecostal, e ka ba eng a ka bago, e ka ba eng a ipitšago yenamong, ge Lentšu le le sa phele ka go yena, ga se yena moprofeta. A ka no ba a le moprofeta, eupša, wa maaka. Baprofeta ba therešo ba bolela ka Lentšu le la therešo, gomme ka gona ba Bea Modimo feela tlwa Modimo yo a swanago, Maatla a a swanago, Mantšu a a swanago, se sengwe le se sengwe se se swanago, Lentšu la therešo.

¹²⁰ Bjale, ba ile ba swanelo go dumela. Ba ile ba swanelo go dumela Lentšu la moprofeta le go Le obamela, pele ba ka bona mehlolo ya Modimo.

¹²¹ Gomme lehono, o ka se kgone go ya mo ka tlase ga boagelo bja maaka, o bolela gore “Jesu ga a swane maabane, lehono, le go ya go ile; matšatši a mehlolo a fetile; gomme ga go selo se sebjalo bjalo ka kolobetšo ya Moya wo Mokgethwa,” gomme wa letela go bona mehlolo ya Modimo. O swanetše go Le obamela! Gomme ge o Le obamela, Modimo o hlokomela ka moka.

¹²² Ge o ka kgona go phumula maru ohle morago, letšatši le šetše le le gona. Le no lekelela fale. Letšatši ga le šuthe, re a botšwa. Letšatši le dula ka lefelong la go swana.

¹²³ Gomme Kriste o a dula! Gomme yeo ke nnete. Re tloga go Yena, eupša O a šala. Yeo ke nnete. Selo se nnoši o swanetšego go se dira ke go retologa wenamong morago go dikologa le go Mo lebanya gatee, gomme o bona se se diregago. Lebanya Kriste! E sego go lebanya kereke, e sego go lebanya thutotumelo, e sego go lebanya dithaetlele; lebanya Kriste! Le a bona, e sego go lebanya seminari; lebanya Lentšu! Kriste ke Lentšu. Nnete, Ke lona. Seo ke tlwa.

¹²⁴ Obamela Lentšu, go rena. Ba ile ba swanelo go obamela Lentšu. Gomme, go rena, re swanetše go obamela Lentšu.

¹²⁵ Ge le ka rata go tseba seo, ke na le Lengwalo le ngwadilwe mo, le rile, “Ge le dula ka go Nna, gomme Mantšu a Ka ka go

lena, kgopelang se le se ratago.” Le a bona? E be e le eng? Ge Lentšu la Modimo le le ka go rena, gomme le dula ka fale, Le no ipolelela Lonamong. “Kgopelang se le se ratago, gomme le tla se fiwa.” Bjale, seo se hwetšwa ka go Johane 15:7, ge le nyaka go e maraka. Le a bona, Jesu o rile, “Ge le dula ka go Nna, Mantšu a Ka a dula ka go lena.”

¹²⁶ E sego lehono selo se *tee*; gosasa, letšatši la go latela, se sengwe gape; le go kgeloga, le godimo *fa*, le tlase *fa*, le tlase *fale*. Go laetša gore ga o na le selo, sa mathomo.

¹²⁷ Oo, o re, “Ke boletše ka maleme.” Gabotse. Eupsa, wena, go le bjalo, ga se nke wa hwetsa selo. Le a bona? O re, “Ke binne ka Moya.” Go lokile, eupša go le bjalo ga ke tsebe ke mohuta mang wa moyo o binneg ka wona. Le a bona?

¹²⁸ Ge o le ka go selo se *tee*, letšatši le lengwe; gomme beke ye e latelago, selo se sengwe gape; gomme sethobolakota se sennyane sa go latela se a tla, se thobola lešoba mohlareng, o a se kitimiša gomme se sengwe godimo *fa*, se gatikela morero, ga ke tsebe moo o lego wa gona, gona Kriste ga a dule ka go wena. Mantšu a Gagwe ga a gona. Gobane, Le tiile, o ka se tsoge wa fetoga leswiswi!

¹²⁹ Bjalo ka ge ke rerile letšatši le lengwe ka *Kgakgamatšo*, ge Joshua a emišitše letšatši. Becky morago kua, o rile, “Papa, ga se a kgona go emiša letšatši,” o rile, “lefase le tla ema. O emišitše lefase.”

¹³⁰ Ke rile, “O emišitše letšatši.” Modimo ga a dire bošaedi e ka ba bofe ka Beibeleng ya Gagwe.

¹³¹ O rile, “A be a ka kgona bjang go emiša letšatši, letšatši ebile ga le sepele? Letšatši le eme tse.”

¹³² Ke rile, “Eupsa seo, mosebe wola ntle fale, e be e se se A bego a bolela ka sona. Letšatši le le bego le sepela le go le dira seetsa go kgabaganya lefase, leo ke letšatši le A le emišitše.”

¹³³ Ga ke tsebe se Modimo a se dirilego, go se tliša go phethega, eupša O emišitše letšatši. Letšatši le be le eya ka tsela *ye*, letšatši godimo ga lefase, ponagatšo ya letšatši. Mosebe wola ntle kua, re be re sa kgone go bona ka go milione wa dimaele tša wona, goba dimilione tša dimaele. Eupsa ponagatšo ya letšatši, ye e bego e sepela go kgabaganya lefase, go tloga mosegare go ya bošego, seo ke se Joshua a se laetšego go šišimala; gomme sa ema. *Digakgamatšo* ke se sengwe seo se “sa dumelegego, efela therešo.” Kafao, seo ga se dumelege, eupša efela therešo.

¹³⁴ Modimo a ka kgona bjang go tšea modiradibe, wa kgang, wa sebefedi sa godimo, monna wa manganga, gomme a dira mokgethwa wa Modimo go tšwa go yena? A ka kgona bjang go tšea mosadi yo a lego tlase kudu, go fihla dimpša ebile di sa retologe go yena mo mokgotheng, le go dira mokgethwa wa Modimo go tšwa go yena? Nka se kgone go le botša. Eupsa O

e dirile! Ke kgakgamatšo. Nnete ke yona! Mediro ye megolo ya Modimo yohle ke kgakgamatšo.

¹³⁵ “Ge le dula ka go Nna, gomme Lentšu la Ka ka go lena, kgopelang se le se ratago, gomme le tla se direlwa.” Mokgethwa Johane 14 goba Mokgethwa Johane 15, ntshwareleng, Mokgethwa Johane 15:7. Go lokile.

¹³⁶ Morago go Genesi, feelsa go nakwana. Noage o ile a swanela go swanela maemo. Noage o ile a swanela go dumela Lentšu la Modimo, le go dira godimo ga Lona, pele a ka bona mohlolo wa Modimo. Yeo ke nnete. Noage, moprofeta yo mogolo wa Genesi, o ile a swanela go dumela Lentšu la Modimo le go dira godimo ga Lona, pele a bona mohlolo wa Modimo. E be e sa nke ya ke ya na, le a tseba, ga se nke ya ke ya ba pula.

¹³⁷ Gomme le nagana ba re botša eng? Gore, lebaka leo e be e le lebaka le legologolo go feta re phelago ka go lona bjale, ka go saense. Re ka se kgone go aga phiramiti gape, goba meago ya mafekefefe. Ga re na le ditsela tša go dira mami; re ka se kgone go e dira gore e omelele ka mokgwa woo. Re ka se kgone go bea mmala leseleng, go swarelala, go swana le ge ba dirile morago kua. Ebile ga re na le dilo tše. Gomme seo ke se sengwe saense ya rena ya sebjalebjale ebile e sa kgonego go se hwetša. Eupša ba bile le sona!

¹³⁸ Ga re ne—ga re ne dientšeneere boka ba bile. Phiramiti ye kgolo yela ka Egepete e phethagetše kudu ka bogareng bja lefase, ga go kgathale moo letšatši le lego, ga go tsoge gwa ba moriti go e dikologa. Re ka se kgone go bea sebopego boka seo. Ga re tsebe re e dire bjang. Ebile re ka se kgone go aga phiramiti. Gomme godimo ka kua, godimo go dikologa dintlhana le gare kua, go robetše e nyakile go ba seripa sa poloko ya toropokgolo godimo moyeng, go na le matlapa a a imelago dibilione tša ditone, makgolo a ditone, a ke re, a lekeletše godimo ka kua. Metšhene yohle re nago nayo ka lefaseng e ka se kgone go a phagamiša godimo kua.

¹³⁹ Ba mpotša go tla tšeа dikoloiphaphathi tše lesometshela, go laiša leoto la disefintshe godimo ga lona. Ba le tsentšhitše bjang ka kua? E diregile bjang? Ba be ba le borasaense ba ditswerere!

¹⁴⁰ Gomme le nagana gore ba rile go monna, lehlanya, o swanetše go ba moprofeta, yo a rilego, “Fao go meetse a a tlago go tšwa magodimong”?

¹⁴¹ Ke kgona go ba kwa ba re, “Re tšeа didirišwa tša rena, gomme ra di thunyetša thwi ka go dinaledi, gomme ga go ne lerothi la meetse gare ga fa le fale. E go kae?”

¹⁴² Noage o kgonne go thekga ka se, “Modimo o mpoditše, ‘E ya go na.’” Seo se lekanetše. Seo se a e ruma. Modimo o rile e ya go direga, kafao seo e no ba se se yago go direga. Go lokile. (Ke swanetše go itlhaganela; baena ba bangwe ba letile.) Aowa . . . O rile, “E ya go na.”

“O tseba bjang?”

“Ke Lentšu la Morena. Ke O RIALO MORENA.”

¹⁴³ “O ya go dira eng ka yona, Noage, go no sepela go dikologa gomme o rere ka yona?”

“Aowa, mohlomphegi. Ke ya go dira komana bakeng sa yona.” Le a bona?

“Oo, woo e tla ba mohlolo! Matšatši a mehlolo a fetile.”

“E no swarelela, o tla e bona ka morago ga lebakana.” Ee, mohlomphegi.

¹⁴⁴ Gomme o dirile eng? O agile areka pele pula e ewa. O be a dira eng? A dira godimo ga tshepišo. Amene. Ke ikwela mohuta wa pentecostal gonabjale, go ikwela bodumedi!

¹⁴⁵ Ee, tsea Modimo go Lentšu la Gagwe, dira godimo ga tshepišo, go sa kgathale se se diregago, go tswa go Modimo go dira ka moka ga sona. E no thoma go kokota maru! “Beela thoko boima bjo bongwe le bjo bongwe bjoo bo go nyamisago gabonolo.” Beela ka thoko dipelaelo tshole tsa gago, dipoiwo tsa gago, dikerekemaina tsa gago, dithutotumelo tsa gago, le e ka ba eng e lego kgahlanong le Lentšu. Jesu Kriste o no swana maabane, lehono, le go ya go ile. E no beela dithutotumelo tsa gago thoko, beela dikerekemaina tsa gago thoko, beela dipelaelo tsa gago tshole ka thoko, dikgakanego tshole tsa gago ka thoko, gomme o no tswelapele. Selo sa pele le a tseba, o tla—o tla šuthiša lefatša la mafelelo, gomme O tla be a eme kua. O tla kopana le Yena.

¹⁴⁶ Noage o rile, “Ge ke fetša go aga areka, O tla tla. Pula e tla thoma go wa!”

“Letšatši le o fetšago go aga areka?”

¹⁴⁷ “Ge e ka leta mengwaga ye masometlhano, ke tla be ke dutše ka arekeng, ke e letetše. E etla, gobane Modimo o boletše bjalo!”

¹⁴⁸ Le a bona, selo sa pele, o ile a swanelwa ke go itokiša ka boyena. O tsebile gore Modimo e be e le Modimo wa mehlolo, ka fao o be a ka se kgone go Mo kamaka. Modimo o boletše le yena, gomme o e tsebile.

¹⁴⁹ Ge Modimo a bolela le wena, go tswa go Lentšu la Gagwe, ka pelong ya gago o a le tseba. Ge lefase lohle le tlogile go wena, gomme dilo tsa lefase di hwile, o a e tseba. Ge, ge o rata lefase goba dilo tsa lefase, o sa tseba, ka pelong ya gago, ga se wa loka. Ke therešo. Kafao, ge se sengwe le se sengwe se ile, gona ga go selo gape go dira eupša go kopana le Modimo. O tla be a eme fale. O a šala.

¹⁵⁰ Bjalo ka letšatši, l-e-t-š-a-t-š-i, ka fao le M-o-r-w-a o dula go no swana maabane, lehono, le go ya go ile. L-e-t-š-a-t-š-i lela le phadimago, ke letšatši la go swana le le phadimilego ka go Genesi, letšatši la go swana le phadimilego godimo ga Eliya

godimo ga thaba yela, letšatši la go swana le le ilego fase ka letšatši la papolo. Haleluya! Le dula le swana. Gomme Morwa wa Modimo wa go swana, o a swana maabane, lehono, le go ya go ile; go swana ka Maatla, go swana ka lerato, go swana ka maswao.

¹⁵¹ Ke eng, lehono, leswao la Mokriste? “Oo, o ya kerekeng, a bea leina la gagwe godimo ga puku, o na le lengwalo.” Leo ga se leswao Jesu a le boletšego.

¹⁵² O rile, “Maswao a a tla latela bona ba ba dumelago. Leineng la Ka ba tla lelekela bodiabolo ntle, ba bolela ka maleme a maswa. Ge ba ka swara disephente, goba ba nwa dilo tše di bolayago, di ka se ba gobatše. Ge ba bea diatla tša bona godimo ga balwetši, ba tla welwa ke maruru.”

¹⁵³ Ge Modimo a na le rena, maswao a Gagwe a kae? Kgonthe, boelang morago go Lentšu la Gagwe, maswao a tla itlhokomela wonamong ka pela ge re boela morago go Lentšu.

¹⁵⁴ Noage, pele a bona mehlolo ya Modimo, boka Gideone a nyakile go botšiša ka yona, o ile a swanelwa ke go dira pele godimo ga Lentšu la Modimo. Gideone o ile a swanelwa ke go dira godimo ga Lentšu la Modimo.

¹⁵⁵ Yo mongwe le yo mongwe gape o swanetše go dira godimo ga Lentšu la Modimo. Pele nka tsoge ka bolela gore go be go le Modimo, ke ile ka swanela go dira godimo ga tshepišo ya Gagwe, morago O iponagaditše Yenamong. Ge o nyaka phodiso, Mo dumele! Dira godimo ga Lentšu la Gagwe, go tla tla go phethega.

¹⁵⁶ Moshe, pele a ka tsoge a bona mehlolo ya Modimo, o ile a swanela ke go dira pele go Lentšu la Modimo. O tsebile o be a kwele mmagwe a re o be a tswetšwe tswalo ya go se tlwaelege, o be a utilwe ka mahlakanokeng. O mmuditše gore Modimo o mmiditše le go mo kgetha.

¹⁵⁷ Gomme o naganne, “Gabotse, nna ke le monna yo mokaone wa sešole, Nka no ya ntle fa le go bolaya—go bolaya Moegepeta yo le go mo uta leroleng. Gomme nka kgona go dira e ka ba eng ke nyakago. Seo ke sohle se e tšeago.” Eupša, le a bona, seo ke se a bego a leka go se dira. Yeo e be e le kgopololo ya gagwe. Ga se nke a ke a bona gore Modimo yoo a diragatšago—a dirilego mohlolo go mmoloka go kgabola nako yela.

¹⁵⁸ Eupša letšatši le lengwe, morago ga ge a be a le bogolo bja mengwaga ye masomeseswai, o be a dišitše dinku, a eya tlase phulong, mohlomongwe tsela moo dinku di bego di kitima. Gomme modiši wa kgale o ya mmogo kua, ka lepara la go kgopama ka seatleng sa gagwe, a itia go bapela lehlakoreng la mohlala; mohlomongwe segole se sennyane, ka mengwaga ye masomeseswai ka bokgale; maledu a lekeletše tlase go mothalo wa letheka la gagwe, mohlomongwe, a mapududu bjalo ka dinku tše a bego a di diša. Gomme o bone Sengwe! O Modimo! Go be go makatša go yena.

¹⁵⁹ Ke a holofela nka le bontšha se sengwe bošegong bjo. Gomme re ne bodiba bja meetse fa, bo komana.

¹⁶⁰ O bone se sengwe a sego a ke a se bona pele. Gomme o rile, “Bokaone ke Se nyakišiše.” Kafao o retologetše ka thoko, gomme Lentšu la Morena le tlide go yena. Letago! Haleluya! Lentšu la Morena le tlide go yena. Bjale, pele a ka kgona go ya, o ile a swanelo go dira godimo ga Lentšu la Morena.

¹⁶¹ Gomme, elelwang, Lentšu la Morena ka mehla le diragatša mehlolo. O rile, “Ke kae ke tla tsebago gore O na le nna, gomme ‘o nthomile’?”

O rile, “Ke eng e lego ka seatleng sa gago?”

O rile, “Lepara la go oma.”

¹⁶² “Le lahlele fase!” Molao wa pele Modimo o fago Moshe. “Ge o nyaka go tseba gore ke nna Modimo; o na le lepara ka seatleng sa gago, le lahlele fase.”

Gideone o rile, “Mehlolo ya Modimo e kae?”

¹⁶³ O rile, “Bea borotho bjola mo aletareng, Ke tla go bontšha Yo Modimo a lego.” Gomme O bo kgwathile ka lepara la Gagwe; gomme muši o ile godimo, gomme bja swa.

¹⁶⁴ Moshe o rile, “Ke tla re ke mang yoo a nthomilego? Ke tseba bjang gore O Modimo?”

¹⁶⁵ O rile, “O na le eng ka seatleng sa gago? Ke nna Mohlodi wa bophelo. Ke nna Modimo modiramehlolo.” Gomme pele Moshe a ka tsoge a bona Maatla a Modimo ao a dirilego dilo tšohle, sa pele o ile a swanelo go obamela Modimo. O lahletše lepara mobung, le bile noga. Fše! Oo, nna! Eng? Ke . . .

Go obamela go tla pele, pele o bona mehlolo ya Gagwe!

¹⁶⁶ Tše di bitšwago dikereke go dikologa dinaga lehono, di re, “Gabotse, mehlolo yohle e kae? Re tla fa ditolara tše sekete go e ka ba mang yoo a tla dumelalago, a tla tšweletšago mohlolo.” Wena, wa go šokiša, wa boomo, wa go kgelogwa, wa go hwa gabedi, wa go tomolwa ka medu!

¹⁶⁷ O ya go tsoge wa bona bjang mohlolo, go fihlela o eba o tee? Letago! Mohlolo wa mogau wa Modimo, go tsea mmelaedi wa go se dumele le go mo tlatša ka Moya wo Mokgethwa! Jesu o rile, “Ntle le ge motho a ka tswalwa gape, a ka se kgone ebile go bona Mmušo wa Modimo.” Ge o nyaka go bona mohlolo, eba wo motee. A nke Modimo a šome go wena, pele. O na le go lokišaleswa go itšego go dira, lense tsoko ya go fapanwa go bea godimo ga mahlo a gago, gobane o foufetše, o hwetše sebeng le dikarogong, o foufetše semoyeng, o hwile gabedi. Nnete! Modimo o swanetše go go fa Bophelo, go kgwatha mahlo a gago gore o kgone go bona; go dira mohlolo, le go go dira mohlolo, gomme ka gona o ka kgona go bona Modimo modira-mehlolo. Seo ke selo sa pele.

¹⁶⁸ Moshe o ile a swanelwa ke go Mo dumela. Moshe o ile a swanelwa ke go dira godimo ga Lona, go dira godimo ga se Lentšu la Modimo le se boletšego. O be a nyaka go bona ge eba yoo e be e le Modimo goba aowa. O rile, “Gabotse, Moshe, dira godimo ga se ke go botšago.”

¹⁶⁹ Bjale theetšang mo, bošegong bjo, ngwanešu, kgaetšedi. Ge o nyaka go tseba Yo Modimo a lego, e no dira godimo ga se A se bolelago Mo. “Sokologang, yo mongwe le yo mongwe wa lena, gomme le kolobetšweng Leineng la Jesu Kriste, gomme le tla ba mohlolo.” Yeo ke tshepišo ya Gagwe. Seo ke se A se boletšego. Dira godimo ga Lentšu la Gagwe, “Gomme o tla amogela neo ya Moya wo Mokgethwa; ka gore tshepišo ke ya lena le go bana ba lena.” Oo, seo e no ba sa baapostola? “Le bona bao ba lego kgole, le ebole le bontši ka fao Morena Modimo wa rena a tla go bitša.” Fao ke mo tshepišo e lego gona.

¹⁷⁰ Dira godimo ga Lentšu la Gagwe, gomme o tla bona mohlolo wa kgonthe. Se sengwe se tla direga ge o dira godimo ga Lentšu la Gagwe. Boka Gideone a dirile, o dirile se A mmoditšego go se dira! Boka Noage a dirile, o dirile se A mmoditšego go se dira! Boka Moshe a dirile, o dirile se A mmoditšego go se dira!

¹⁷¹ A re, “Lahlela lepara la gago fase!” Ka mantšu a mangwe, “Fediša se sengwe le se sengwe seo se lego go go dikologa!” Amene. “A nke Ke be le lona!”

¹⁷² O re, “Ke na le pelwapelwana ya go befa.” E fe go Modimo, O tseba mokgwa wa go e homotša. “Ke na le kganyogo ye ntši.” O tseba mokgwa wa go e tloša. Le a bona? E no e bea ka diatleng tša Gagwe, gomme šetsa se mohlolo o kgonago go se dira. Yeo ke nnete. Go lokile.

¹⁷³ Moshe o ile a swanelwa ke go šoma godimo ga Lentšu la Modimo, pele, goba, go obamela Lentšu la Modimo pele a be a ka kgona go bona mehlolo ya Modimo. Eupša morago ga ge a kile a bona, ngwanešu, ga se gona se yago go mo thibela nako yeo.

¹⁷⁴ Ke a mmona, letšatši le le latelago, le Tsipora a dutše godimo ga moula wo, le—le Gerisome yo mannyane lethekeng la gagwe, lethekeng la gagwe, a ke re, maledu a lekeletše fase ka mokgwa *woo*. Ngwanešu, sefahlego sela se be se myemyela, wona mahlo a bina godimo go leba leratadimeng. Go tloga go modiši wa dinku, go ya go monna yo maatla wa Modimo; monna wa maatla, a eya tlase go hlakodiša. Lebelelang Gideone! Go diregile eng? Ee, mohlomphegi, go ya tlase ka lepara la go kgopama, go thopa setšhaba. O e dirile. Nnete, o dirile. Modimo o mmoditše go dira.

¹⁷⁵ Ga go kgathale go bonala go se be kgonthe gakaakang, o no dira se Modimo a go botšago go se dira. O tla hwetša gore Lentšu la Gagwe le sa swana. E no boetša maru morago, Morwa o šetše a phadima.

¹⁷⁶ Joshua, oo, mofenyi yo mogolo yola! Oo, mohlatlami wa Moshe! Monna yo Modimo a mo ratilego, mohlabani yo maatla!

Monna yo Modimo a mo ratilego! Modimo o mmoditše, “Bjalo ka ge Ke bile le Moshe, kafao Ke tla ba le wena.” Eupša pele maboto a ewa, Joshua o gwantile go ya ka ditaelo tša Mokapotene Mogolo; go dikologa leboto, makga a lesometharo, pele Maatla a Modimo a ka tsoge a ratha selo. O matšreditše go dikologa leboto, gomme a letša phalafala, go ya ka Lentšu la Modimo leo Mokapotene Mogolo a mmoditšego ntle kua ge A kopana le yena. O matšreditše go ya ka Lentšu la Modimo. O dirile eng? O dirile godimo ga Lentšu, pele a bona mohlolo.

¹⁷⁷ Le a tseba, go no galagatša phalafala ga go šišinyetše fase leboto leo o ka kgonago go kitimiša dikoloi tša dipere go dikologa; go letša phalafala. Eupša Modimo o rile, “Feela, go no matšha go dikologa maboto, makga a šupago, gomme, letšatši la mafelelo, go matšha ga šupa.” Gomme makga a lesometharo. “Gomme ge le eya go dikologa leboto, ka nako ya mafelelo, a baprista ba ye pele, ka areka, gomme ba letše phalafala. Gomme ge phalafala e lla, maboto a tla šišinyegela fase.” Ba dirile eng? O bone mohlolo wa Modimo, morago ga ge a dirile ka Lentšu la Modimo.

Mehlolo ya gago e kae? Dira godimo ga Lentšu la Gagwe, pele.

¹⁷⁸ Maboto a ka kgona bjang go šišinyetšwa fase, le go tlogela ntlo e tee ye nnyane e eme, ntlo ya mmalegogwana? Gobane o dirile ka Lentšu la Modimo. Gobaneng ka moka ga bona ba hwile, gomme o a phela? O dirile godimo ga Lentšu la Modimo, gomme o bone mohlolo wa Modimo. Yeo ke tsela ya go o hwetša, go dira godimo ga Lentšu.

¹⁷⁹ Bana ba Bahebere, ka leubeng la mollo. Ba dirile eng pele ba bona mohlolo wa Modimo? Ba dirile godimo ga Lentšu la Modimo. Ba tsebile O be a le Modimo. Ba tsebile O be a le Modimo yo a ba ntšreditšego ka ntle ga Egepeta. Ba—ba tsebile gore ba be ba . . . O be a le Modimo wa go swana yoo ka mehla a bilego, yoo A swanetšego go ba Modimo modiramehlolo.

¹⁸⁰ Gomme O be a ba file thomo “go se khunamele medingwana.” Ga A fetoge. “Dulang le Lentšu la Ka! Le se ke la khunamelia medingwana!”

¹⁸¹ Ba boletše eng? “Modimo wa rena o kgona go re hlakodiša go tšwa leubeng le la mollo. Eupša, le ge go le bjalo, re ya go dira godimo ga Lentšu la Gagwe!” E be e le fao. Go diregile eng? Ka gona ba bone mohlolo wa Modimo, gore Modimo o be a kgona go emelana le mollo.

¹⁸² O a babja? Dira ka Lentšu la Gagwe, bona ge eba O a fodiša. Ge o le modiradibe, gomme o nyaka go tlatšwa ka Moya wo Mokgethwa; etla, sokologa, gomme o kolobetšwe Leineng la Jesu Kriste. Gomme dira ka Lentšu la Gagwe, bona se se diregago. Ge o sa na le lefase ka go wena; gomme lena basadi le sa apara moriri wo mokopana, le sa ntše le apara meikapo; lena banna le sa na

le dipelwapelwana, le go baka ka dikerekemaina tša lena; ge le nyaka go hwetša ge eba O sa le Modimo; dira ka Lona, gomme ipee wenamong godimo ga aletara ya Gagwe, bona se se diregago. Yena ke Modimo. O swanetše go dira ka Lentšu la Gagwe, pele.

¹⁸³ Daniele, pele a bona mohlolo wa Modimo, o kgonne go mo hlakodia go tšwa legolong la ditau, selo sa pele a se dirilego e bile go dira ka Lentšu la Modimo.

¹⁸⁴ Kgoeletšo e ile pele, “Ge motho e ka ba mang a rapela modimo yo mongwe ntle le modingwana yo, matšatši a *mantsi bjalo*, o tla lahlelwa ka gare ga legolo la ditau.” Ga go motho yo a ka rapelago modimo yo mongwe eupša go Kgoši; o be a swanetše go ba modimo, le a bona, lebaka la matšatši a masometharo.

¹⁸⁵ Eupša Daniele o dirile eng? O dirile ka Lentšu la Modimo. Gobane, ge Salomo a be a gafela tempele, o rapetše, o rile, “Morena, ge batho ba Gago ba le bothateng, kae kapa kae, gomme ba tla lebelela go tempele ye kgethwa ye, gona O kwe go tšwa Legodimong.” Yeo ke nnete.

¹⁸⁶ Daniele o dirile, pele. Tšošetšo e be e le, “O ya ka moleteng wa ditau.” Eupša Daniele o dirile ka Lentšu la Modimo. O tsebile gore Modimo o be a sa le Modimo. Feela boka Gideone a dirile; o tsebile gore Modimo, ge eba O be a sa le Modimo, gona mehlolo ya Gagwe e kae? Gomme Daniele o tsebile o be a le moprofeta, o tsebile o be a rata Modimo. O tsebile o be a le mohlanka wa Gagwe, gomme o tsebile Modimo o be a kgona go mo hlakodia go tšwa go tšona ditau. Eupša ge a be a le bothateng, ka tlase ga tšošetšo, o retolotše sefahlego sa gagwe go leba tempeleng, gomme a rapela makga a mararo ka letšatši, feela tlwa. O dirile ka Lentšu la Modimo, gomme Modimo o mo tladitše go tlala kudu ka Moya wo Mokgethwa go fihla ditau di sa kgone go mo ja. Yeo ke nnete. O dirile pele ka Lentšu la Modimo.

¹⁸⁷ Jona, ka mpeng ya hlapikgolo, o šomile pele ka Lentšu la Modimo. O tsebile o be a ile, bokgole bja mmele. Diatla tša gagwe di be di bofilwe, maoto a gagwe a be a bofilwe. Moreri yo go Bantle o lahletšwe ka ntle ga sekepe, go ya ka mpeng ya hlapikgolo, le tlase botebong bja lewatle. Bjale a seemo se a lego ka go sona! Eupša sa pele o ile a retologa ka boyena godimo, ka fase ga hlapikgolo, mabjanglewatle a be a tatilwe go dikologa molala wa gagwe. Moo, hla—hla hlapikgolo e be e ej a ngwang wo le dilo, go bea divitamine ka mmeleng wa gagwe, dipilisi tša gagwe tša vitamine, gomme ka gona a hwetša moreri ka kua. Eupša moreri yo o tlie go yenamong! Haleluya!

¹⁸⁸ Oo, ngwanešu, moreri, etla go wenamong bošegong bjo! Tloga go tšona dithutotumelo tša kgale le dilo, gomme o boele morago go Modimo yo a phelago, go Lentšu le le phelago.

¹⁸⁹ O tlie go yenamong, o tokologetše godimo. O ka se kgone go uta mokgethwa go tloga go thapelo ya gagwe. O ile a a retologa godimo, gomme a lebelela, mo gohle go be go le mpa ya

hlapikgolo, gohle go mo dikologa; bohlabela, leboa, bodikela, le borwa. Gomme o lemogile gore o be a le ka mpeng ya hlapikgolo, gomme tlase ka botlase bja lewatle, gomme ledimo mo lewatleng. Tšohle dikhlofelo di be di ile ge a be a le ka sekepeng; gomme bjale o be a le ka mpeng ya hlapikgolo, kgolekgole go tloga go khlofelo go feta mehleng. Gomme ge feela a kgonne go bona mpa ya hlapikgolo, o rile, "Ke maaka a mafeela. Nka se sa a dumela gape. Eupša ke tla lebelela go lebanya tempele ye kgethwa ya Gago, Morena." Tempele ye kgethwa, e be e se ya lebelela fase; o rile, "E godimo *kua*, kafao ke lebeletše go e lebanya."

¹⁹⁰ Gomme ka gona o bone mohlolo wa Modimo. Ka mokgwa wo mongwe, oksitšene e tlide ka gare ga hlapikgolo. O nno hema ka tlwaelo lebaka la matšatši a mararo, gomme o tšere go khutša go go bose go gonnane le go namela, gore a kgone go tsea matšatši a masomenne a... leeto go kgabaganya, toropokgolo ye mpe tlase kua, go rera Ebangedi. O ile a lapološwa gohle ka oksitšene tsoko ye mpsha go tšwa Legodimong. E be e sa kgone go tšwa go hlapikgolo, gomme e be e sa kgone go tšwa go lewatle, ka fao e be e swanetše go tšwa go Modimo!

¹⁹¹ Oo, hemela godimo ga rena bošegong bjo, Morena, Oksitšene yela ya Lentšu la Modimo, ka Maatleng a tsogo ya Gagwe, gore re kgone go dula re phela ka go le la mafelalo, letšatsi le lebe. Hemela godimo ga rena, O Moya wo Mokgethwa! Yeo ke yona, ngwanešu. Hema, Morena, re tlatše ka Oksitšene!

¹⁹² Go swana le ge ke le boditše mosong wo ka lepidibidi. Ka pela ge a nkgeletše meetse, go be go se selo se bego se ka kgona go mo thibela go tloga go wona; mokekeretšo ohle wa kgogotshadi, le se sengwe le se sengwe gape. O ile thwi meetseng, gobane o be a le lepidibidi.

¹⁹³ Bjale, ge eba go ne e ka ba ofe wa lena a nago le tlhago ya lepidibidi, re ne mogobe wo mogolo morago fa, le a bona. Ge o ka kgona go dupa, ge o na le monkgo gore Modimo a dula a le Modimo, ge o na le monkgo go tšwa Legodimong bošegong bjo, gore Modimo o boloka Lentšu la Gagwe gomme Yena ke Modimo modiramehlolo, gomme ga se ešo wa amogela Moya wo Mokgethwa; nkgelela meetse, selo sa pele A rilego se dire. Nnete. Sokologa, go tšwa botebong bja pelo ya gago, gomme ipee wenamong bjalo ka sehlabelo godimo ga aletara; gomme o tla fedišwa, tša lefase, le go tswalwa gape ka Moya; le go kolobetšwa Leineng la Jesu Kriste, O tla go tlatša ka Moya wo Mokgethwa. Eya go kgabola tirotšwelopele ya maleba; e sego go tla go šišinya diatla le moreri le go bea leina la gago godimo ga puku, eupša, o hwile bjalo gore ga o tsebe lefase gape.

¹⁹⁴ Abele o hwetše godimo ga aletara ya go swana le kwana ya gagwe. Gomme tsela e nnoši o yago go tsoge wa loka le Modimo, ke go hwa godimo ga aletara le Kriste, go fihla se sengwe le se

sengwe se e ba go fifatšwa go go dikologa. Ehwa fao! Gomme ge o tsoga gape, o tla ba sebopiwa se seswa ka go Kriste. Nnete.

¹⁹⁵ Jona o ile a swanelwa ke go dumela Lentšu la Modimo, le go dira godimo ga Lona, pele. Bjale, go molaleng o be a robetše ka sefahlego sa gagwe fase, ge a be a eya tlase ka mpeng ya hlapikgolo, gobane ba nno mo fošetša ka kua; o nno hunyapanela thwi tlase ka mpeng ya hlapikgolo. Hlapikgolo e rile, “Go lokile, re tla ya tlase botebong bja lewatle bjale.”

¹⁹⁶ Gomme ke a makala gore hlapikgolo yela e be e gopola eng ka matšatšing ao a mararo, selo se se sego sa tlwaelega se be se eya pele. Bjale, le a bona, moago, wa hlapikgolo, ga se wa ke wa se thabela. Ebile le kereke mokgatlo wa kerekela ga e o thabele. Eupša, oo, ka fao Jona a e ratilego! Nnete, o be a e rata, ka gore e be e le moyo wo moswa wo Modimo a bego a o futhela godimo ga gagwe, gomme o be a dula a phela. Modimo, re butšwetša Moya wo moswa!

¹⁹⁷ Ge Jona a kgonne go dira mohlolo boka woo, ka go dumela Lentšu la Modimo, go tempele ya tlhago; moo, monna yoo mafelelong a kgelogilego, Salomo, o be a agile, eupša a kgopela Modimo, ka thapelo, go šegofatša e ka ba mang a lebeletšego tempeleng yela, le go ba hlakodiša go tšwa go mathata a bona, kae kapa kae ba bego ba le gona; gomme Jona o kgonne go dumela, ka tlase ga maemo ao. Ke bontši gakaakang re ka dumelago, bošegong bjo, go lebelela Legodimong; moo, e sego mokgelogi, e sego monna yo a hwilego gomme a dula ka lebitleng, go swana le Jona . . . goba go swana le ka fao Salomo a bego a le ka gona nako yeo; eupša Modimo yo a phelago Yo a dutšego ka seatleng se setona sa Borena, maatla ohle le maatlataolo, le go rera Lentšu le go romela pele Moya wo Mokgethwa bjalo ka hlatse gore O dirile. Amene. Dumelang Lentšu la Modimo, le tla bona mehlolo ya Modimo. Eupša le swanetše go Le dumela, pele. Ka kgonthe le bile. Ya.

¹⁹⁸ Gideone, morago ga ge a bone Moeti yo a dutšego ka tlase ga mohlare, gomme Gideone mokgwa wa go Mmotšiša, mo peleng. O rile, “Ge Modimo a sa dutše e le Modimo, ge Modimo a na le rena, mehlolo ya Gagwe e kae?” Gomme Moeng yo—yo a dutšego ka tlase ga mohlare, O dirile eng? Ge A kgwathile sehlabelo sela ka lepara la Gagwe leo A bilego le lona ka seatleng sa Gagwe, se ile sa swa. Gomme o tsebile yeo e be e le tiro ya Modimo, kafao o tsebile nako yeo gore Moeng ka tlase ga mohlare, yo a bego a lebega bjalo ka Mokgalabje yo a bego a dutše fao, e be e le Lentšu le dirilwe nama. Haleluya! E be e le Lentšu le le phelago. O tsebile gore leo e be e le Lentšu le le phelago, gobane Le be le dira le go phela ka lebaka la bjale. Letago go Modimo, ngwanešu!

¹⁹⁹ Pentecostal e lokile, eupša ke mollo wa go pentwa ge o se wa O amogela wenamong. E sego lebaka le le fetilego; lebaka la

bjale! Ke botse bofe Modimo wa histori ge A se Modimo yo a swanago lehono? Bjalo ka ge ka mehla ke be ke bolela, ke botse bofe e bo dirago go fa thaga ya gago, nonyana, divitamine go dira diphego tša yona go gola, gomme wa mmea ka serobeng le go mmoloka fale? Ke eng mohola wa go ruta gore go ne Modimo wa Maatla, gomme morago wa gana batho ka monyetla wa go Mo direla? Amene. Nnete. Ditšiebadimo!

²⁰⁰ Gobaneng le na le diseminare tše tšohle go dikologa, boka sealamedi se segolo, go phaphaša bareri? Le a bona?

²⁰¹ Ka mehla ke kwela lentsuana la sealamedi bohloko, ka kgontho be a se ne mama. Ga se a ke a tseba mo a tšwago. Ga go le yo motee a tlago go ba mme, o tlide ntle ka motšhene.

²⁰² Ke ka tsela yeo ka moreri wa seminari yoo a tsebago feela thutamodimo. A ka no ba setswerere le go natha ka mo serutegi e ka ba sefe se ka bago, a ka no ba a kgona go rera ka maleme a mantši a go fapano, eupša ge a sa tsebe Motswadi wa gagwe ke mang!

²⁰³ Bjalo ka ge ke boletše e se kgale botelele; ge selo e ka ba sefe e le selo sa go hloka tsebo, ke moula. Ga a tsebe papagwe goba mamagwe ke mang. Ke selo sa motswako, le a bona, ga a tsebe ke mang, se papa, mama. Ga a tsebe ke wa kae. Seo se swana le ba bangwe ba Bakriste ba ba motswako, bao ba bitšwago, ba tswetšwego ka gare ke dikerekemaina. Eupša pere ya motswakotsenelela wa kgontho ke tswalotlhwatlhwa, o tseba sohle se e lego mabapi le sona.

²⁰⁴ Gomme Mokriste wa motswakotsenelela o tseba mo ntlo ya Modimo e lego. Ba a tseba gore ba tswetšwe ke Lentšu. Lentšu le dirilwe nama ka go bona. Lentšu le lengwe le le lengwe leo Modimo a le bolelago, ga ba fapano le Lona; ba re, “Ke therešo! Amene, le amene!” Ba Le feleletša ka “amene,” nako le nako. “Amene! Amene!” Se sengwe ka go bona se a Le feleletša, Yenamong.

“Jesu Kriste wa go swana maabane, lehono, le go ya go ile.”

“Amene!”

“Yo a dumelago ka go Nna, mediro ye Ke e dirago o tla e dira le yena.”

“Amene!”

²⁰⁵ “Eyang ka lefaseng lohle, rerang Ebangedi go sebopiwa se sengwe le se sengwe. Yo a dumelago gomme a kolobetšwa, o tla phološwa. Gomme maswao a a tla latela bona ba ba dumelago.”

“Amene!”

²⁰⁶ Kgogotshadi ya kgale e rile, “Koro-koro-koro, gomme matšatši a mehlolo a fetile.”

Eupša, “Honke-honke-honke, ke nkgelela meetse!”

²⁰⁷ Le a bona, yeo ke yona. Yeo ke nnete. Le a bona? Gobaneng? O bea Modimo tekong. Le a bona, yeo ke yona, Modimo pele. Dira ka Lentšu la Gagwe, gomme o bone ge eba Le nepile. Yeo ke therešo.

²⁰⁸ Johane Mokolobetši o be a latela thwi go bapa le mothalo wa gagwe wa mošomo. Ge a no ba mo—mo mošemane, ga re ne rekoto ye ntši.

²⁰⁹ Tatagwe o be a le monna yo mokaone, eupša a se dumele Modimo. Modimo o be a eya go, a ikemišeditše go, go le tliša ka Elisabetha, lesea le. Kafao O mmoditše, o mmoditše o... O tla ima ngwana yo. Gomme o e belaetše, gomme O mo rathile go ba semuma. Ke a eleletša pelo ya batswadi ba Johane Mokolobetši, Elisabetha le Sakaria, e be e le mohuta wa go nyama, gobane ba tsebile ba be ba tšofetše. Gomme ngwana yo wa tshepišo yoo a tswetšwego, yoo Modimo a mo dirilego mohlolo gomme o tlišitše ngwana yo ka lefaseng, ge ba be ba tšofetše le go feta lebaka. Ba tsebile gore dipelo tša bona di be di nyamile, gobane ba be ba ka se kgone go phela botelele go lekanela go mmona a dira modiro wa gagwe wo mogolo wa Modimo. Eupša ba mo gafetše go wona! Letago go Modimo! Felotsoko mošola wa dinaledi le ngwedi, ba kgonne go lebelela tlase le go e bona. Ba be ba ka se tsoge ba bone mošemane yo monnyane yo... Ba hwile. Ba hwile ge a be a sa no ba ngwana nako yeo, moisa yo moswa. Mošemane, o tlogetše legae la gagwe gomme a ya ka lešokeng. O godišeditšwe kua, ka tlase ga Maatla a Modimo.

²¹⁰ Modimo o mmoditše, “Wena o segalontšu sa yo a goelelago ka lešokeng. Ke go roma pele. Sepela, gomme o goelele!”

²¹¹ Ka fao Johane a swanetšego go be a letile letšatši le lengwe le le lengwe, ge a kitimiša dinoga mo maswikeng, le go raga matlapa. “Oo, nka se lete!”

“O letile eng, Johane?”

²¹² “Feela, ke nyaka go kwa thomo ya Gagwe, yeo ke phetho.” “Tšwelang ka ntle ga tsela, dinoga!” Di be di tla tšabelala ka maswikeng. Leo ke lebaka, bona Bafarisei ba tšwela ntle, o rile, “Oo, lena moloko wa marabe, tšabelang ka maswikeng!”

²¹³ Ke bolela selo sa go swana bošegong bjo. Lena moloko wa marabe, tšabelang ka meetseng! Amene. Le tseba se ke bolelago ka sona. Dithei pi tše, ye e theipilwe, e ya go ya gohlegohle lefaseng. Tšabelala meetseng, ge o nyaka go bona mehlolo ya Modimo!

²¹⁴ Johane a latela thwi mmogo. Moisa wa go lebega bokaone o tla godimo; o rile, “Mohlomongwe yoo ke Yena.” O lebeletše. “Aowa, yoo ga se Yena. Aowa. Modimo o mphile tshepišo.”

“Johane, o re Mesia o a phela lehono?”

“Ee.”

“O kae?”

²¹⁵ “Mo lefaseng, felotsoko. Ga ke tsebe mo A lego, eupša ke tla Mo tseba ge A etla.”

“O tseba bjang?”

“Modimo o mpoditše ke lebelele eng.”

²¹⁶ “O tseba bjang gore o ya go fodišwa ge o rapeletšwe?” Modimo o mpoditše gore ke lebelele eng. “O tseba bjang o ya go amogela Moya wo Mokgethwa?” Ke latela Lentšu la Gagwe. O mpoditše ke lebelele eng, ke tseba se se tlago go latela, le a bona. A o tseba se se tlago go latela? Ge o ka obamela Lentšu la Modimo, tshepišo ya Gagwe e tla go latela. A ka se aketše; Yena ke Modimo.

“Ke eng sa go latela?”

Johane o rile, “Ke tla Mmona ge A etla.”

²¹⁷ Ba rile, “Oo, lebelela moisa yo a tlago fa. Gore, o na le mphaphahlogo godimo ga hlogo ya gagwe, o swanetšego go ba Mesia, a nametše dipere tšela.”

O rile, “Yoo ga se Yena.”

²¹⁸ A sepelela thwi godimo go yena, a re, “Ga go molaong go wena go ba le mosadimogatša wa ngwaneno!” Ba tsebile go be go le se sengwe sa phošo fale. Ba sepeletše godimo go yena, gomme ba mmuditše. Yoo e be e le Herode, le a bona. Gomme, oo, go dirile mosadimogatša wa gagwe go gafa kudu, o mo hloile ge feela a be a phela. Le a bona?

²¹⁹ Johane o tšwetšepele a lebeletše. O rile, “Oo, ke tla Mo tseba ge A etla.”

“O tseba bjang?”

²²⁰ “Modimo o mpoditše ke tla bona leswao, gomme e tla ba leswao la Bomesia. Ke tla tseba Mesia gobane leswao la Mesia le tla ba fao.”

²²¹ Modimo o tseba Kereke ya Gagwe. O rile, “Maswao a a tla ba latela.” E sego “ba tla ba ba Mamethodist, Mabaptist, goba Mapentecostal.” Eupša, “Maswao a a tla latela bona bao ba dumelago.” O tseba badumedi.

Nako ye nngwe o re, lehono, “A ke wena modumedi?”

²²² “Oo, ke nna Momethodist.” Gabotse, seo se bontšha ga o modumedi gona, le a bona. “Ke nna Mopentecostal.” Seo se sa bontšha ga o modumedi.

²²³ Ge o le modumedi, o dumela Modimo! Yo mongwe le yo mongwe o a e tseba, o tswaleletšwe ke Mmušo wa Modimo; gomme lehuto le ka mahlakoreng a mabedi a letlakala, bobedi a etla le go ya. Le a bona, o ka kgona go ba botša. Go lokile.

²²⁴ O rile, “Ke tla Mo tseba ge A etla, gobane go tla ba leswao. Ke tla bona leswao la Mesia.” Gomme letšatši le lengwe o lebeletše . . .

²²⁵ Oo, ngwanešu! Gobaneng? O be a Le lebeletše, ke ka fao a Le lemogilego. Ke a holofela seo se nwelela ka gare. A le Mo lebeletše? A le šeditše se sengwe go direga? Gona le tseba Mangwalo!

²²⁶ Bjale, bona baprista bohole ba eme tikologong fale, ba be ba le ditswerere go phala Johane. Ga re ne rekoto ya moo a ilego sekolong, letšatši le lengwe. Eupša fao go be go eme baprista, bao borakgolo-khukhu-khukhu-khukhu ba bona ba bego ba le baprista. Go be go eme monna fao yo a tsebilego intšhi ye nngwe le ye nngwe ya sekorolo seo, baprofeta bohole le Genesi, le tšohle ka yona. Eupša, le a bona, Johane o be a lebeletše leswao, Mesia! O tsebile ge eba yoo e be e le Modimo, go tla ba se sengwe sa kagodimogatlhago ka yona. Yeo ke nnete.

²²⁷ Go bjalo le lehono! Ge o le Mokriste, go na le se sengwe sa kagodimogatlhago se go rathilego. Ge se se sa ratha, o forilwe. O sa phela bophelo bja go swana o kilego wa bo phela, o sa rata dilo tša go swana o sa ntšego o be o di ratago le mathomong, o sa di rata, o forilwe; yeo ke nnete, ga o morwa goba morwedi wa Modimo.

²²⁸ Gona re a hwetša, Johane o be a eme fale letšatši le lengwe, gomme ba re . . . ke be ke bala ka go . . . ka—ka kanegelo ye nnyane ya Gagwe, e boletše gore Johane o be a le ka lehlakoreng le tee la noka, ba be ba mo kgotholetše ka lehlakoreng le lengwe. Yeo ke tsela ye ba dirago mohlanka wa Modimo, go mo kgothola go tšwa go kerekeleina ye nngwe le ye nngwe, mokgatlo wo mongwe le wo mongwe, se sengwe le se sengwe gape. O be a se na le phuluphithi go ema ka gare; eupša o be a le ka lerageng, bogodimo go fihla matolong a gagwe. O be a se a apara sutu ya tuxedo, le kholoro ya gagwe e retologile go dikologa, le yona. Aowa, mohlomphegi. O be a na le seripa sa letlalo la nku le tatilwe go mo raretsa, ka kgonagalo o bonagetše bjalo ka monna wa lebelete a eme ntle fale.

²²⁹ Gomme bona baprista ba rile, “A o ra go mpotša gore go tla tla nako ge tempele ye kgolo ye, mokgatlo wa rena wo mogolo, o tla wa?”

O rile, “Nnete, e tla dira.”

“O e tseba bjang?”

²³⁰ “Le bala Lengwalo bjang? Mesia o etla, gomme Mesia yoo o tla tloša sehlabelo sa tšatši ka tšatši. Daniele o boletše bjalo! Moprefeta o boletše bjalo!” Haleluya!

Oo, ke ikwela bodumedi kudu nako yohle! (Ke swanetše go ema.)

O e tseba bjang? Moprefeta o boletše bjalo!

²³¹ Ke ka mokgwa wo Mika a bego a tseba gore o be a ka se kgone go šegofatša Ahaba; Eliya o be a šetše a mo rogakile. Yeo ke phetho. O ile a swanela go dula le Lentšu. Le nyaka go bona

mediro ya Modimo, le swanetše go latela Lentšu la Modimo. O tsebile e be e ka se kgone go direga.

²³² Kafao go diregile eng nako yeo? O nyakile go bona mediro ya Modimo. Johane o rile, “Ke tla Mo tseba ge A etla.”

²³³ Letšatši le lengwe o be a eme fale, o rile, “Ee, go tla tla nako yeo sehlabelo sa tšatši ka tšatši se tla tlošwago. Mesia o tla ba Sehlabelo sa tšatši ka tšatši. Gomme makgapa a a dirago ditšhwalalanyo a tla tsena ka gare.”

“Rabi, o hwetša kae seo? Seo se kgahlanong le thutotumelo ya rena.”

²³⁴ Eupša ga Se kgahlanong le Lentšu la Modimo. Go na le moprofeta, gobane Lentšu la Morena le be le na le moprofeta yola. Yeo ke nnete.

²³⁵ Gomme o boletše gore, “Bonang, go eme Kwana ya Modimo, ye e tlošago sebe sa lefase!” Wa mehleng, yo monnyane, Moisa wa magetla a go kobega a eme fale, a etla a sepela go theoga go leba nokeng, a sepela mmogo le Latsaro. Feela Monna wa mehleng, a apere boka banna ba setlwaeedi; e sego moprista, go se setše, go se mphaphahlogo, go se selo; feela Mošemané wa go šokiša, Mmetli, a tla a sepela go theoga, ka diatla tša Gagwe di tletše ditshetla, mohlomongwe; a tla a sepela go theoga.

“A o ra go mpotša . . .”

²³⁶ “Eng? A ga le kgone go Mmona fao? Bonang!” Go ra, “Lebelela godimo go, bogang! Kwana ya Modimo seo, ye e tlošago sebe sa lefase.”

²³⁷ Ba bangwe ba bona ba rile, “Gabotse, o a tseba ke Mang yoo? Yoo ke morwa wa mmetli yola. Bjale, re a tseba mothaka yola ga se moprofeta.” Eupša, O be a le. O be a le. O tsebile. “Gobaneng? Ga a tsebe se a bolelagoo ka sona?” Ee, o dirile. “A ka kgona bjang go Mmotša phapano e ka ba efe go tšwa go monna e ka ba ofe yo mongwe?” Mesia o tla fapana. “Re tla e tseba bjang?” Johane o bone se sengwe ba sego ba se tseba.

²³⁸ Go ya le gore o lebeletše eng. O bona eng bošegong bjo? A o bona yo mogolo, monna wa go tsebalega, kerekelainga ye kgolo, gomme se sengwe le se sengwe se wela ka difarong tša gago? Goba, o no tšea tsela le banyatšiwa ba se bakae ba Morena? A o bona Beibele? A o bona Lentšu la Modimo? Ge o tswetšwe gape, o tla Le bona. Go fihla o le, o ka se kgone go Le bona.

²³⁹ Šo O a tla. O rile, “Yo a mpoditšego, ka lešokeng!” Oo, ngwanešu! “Yo a mpoditšego gore ke ‘goelele’! Ke be ke goelela mo lebakala dikgwedi tše tshela, thwi godimo ka mantšiboa, mogohle mo, godimo le fase ga Jorodane ye, ke tlaphuthlha leraga le; ke baka le lena bareri, ke raga dikerekemaina tša lena go dikologa, ke gata godimo ga menwana ya lena ya go baba. Eupša Selo se mo, ke a Se bona!”

“O tseba bjang?”

²⁴⁰ “Yena yo a swanago o mpoditše gore ‘ke be lentšu le le goelelago ka lešokeng,’ Modimo o ntsošeditše morero woo godimo, o rile, ‘godimo ga Yena’ ke ‘tla bonago Moya.’”

²⁴¹ Johane o Mo tsebile. O dirile eng? O rerile Lentšu pele, o obametše Lentšu, gomme o bone leswao la Modimo. Gomme, elelwang, ga se gwa rekothwa gore motho yo mongwe a eme fale o O bone. Johane o O bone, a nnoši. Go ya le gore o nyaka eng. Ka baka la eng? Johane o be a obamela Lentšu. Baprista le bona ba be ba sa obamele Lentšu. Johane o be a obamela Lentšu, thomo ya gagwe, gomme o O bone. (Re tla itlhaganelka pelā; ra fihla go.)

²⁴² Maretā, lebitleng. O be a kopane le Lentšu la Modimo. O Le dumetše. Pele a ka bona mohlolo wa Modimo, o ile a swanela go dumela Lentšu la Modimo le go dira ka Lona. O rile, “Morena, ge nkabe o be o le mo, ngwanešu wa ka a ka be a se a hwa.”

²⁴³ O rile, “Maretā, Ke nna tsogo le Bophelo. Yo a dumelago ka go Nna, le ge a hwile, go le bjalo o tla phela. Gomme mang le mang a phelago gomme a dumela go Nna, a ka se tsoge a hwa. A o dumela se?”

O rile, “Ya, Morena.” Ke lena bao, a dira! “Ke a dumela.”

“O dumela eng, Maretā?”

“Gore Wena o Kriste yo a bego a swanetše go tla lefaseng.”

O rile, “Le mmolokile kae?”

²⁴⁴ O ile tlase kua lebitleng, gomme šole O be a eme kua. (O rile, “Ke nyaka go bona ge ka kgonthe a dumela gore Ke nna Lentšu.”) O rile, “Tlošang letlapa.”

²⁴⁵ O ile go dira ka Lentšu! O be a swanetše go, go bona lehu le fetošetšwa bophelong.

²⁴⁶ Gomme tsela e nnoši o ka tsogego wa kgona go bona lehu le fetotšwe bophelo, ke go tsea Lentšu la Gagwe le go dira ka Lona!

²⁴⁷ Ge o le modiradibe, tsea Lentšu la Gagwe gomme o dire ka Lona, gona o tla bona mohlolo wa Modimo. O ba mohlolo wa Modimo.

²⁴⁸ Ge o babja, tsea Lentšu la Modimo! Ngaka o re, “O ya go hwa.” Tsea Lentšu la Modimo gomme o dire ka Lona, seo se tla tliša bophelo bjo boswa. Oo, nna!

²⁴⁹ Tshwarelo go le swarelela botelele bjalo. Feela di se nene gape, morago ke tla tloga. Le a bona, feela di se nene bontši. Go botega, ke tla dira. Ke maswabi go tsea nako ya banešu. Le a bona, go no tlogela yona theroy diiri tše pedi. Oo.

²⁵⁰ Mosadi mo sedibeng. O be a le modiradibe. O bile le bannabagatša ba bahlano. O tlide ntle fale letšatši le lengwe, go ga meetse tsoko. A thoma go ga meetse, gomme a kwa Monna a re, “Mosadi, Ntlišetše seno.”

²⁵¹ A lebelela go dikologa, gomme a re, “Ga se setlwaedi go Bajuda go bolela le Mosamaria. Ke nna mosadi wa Mosamaria. Gomme ga se setlwaedi. Gobaneng O ka bolela le nna?”

²⁵² O rile, “Eupša ge nkabe o tsebile Yo o bego o bolela le yena, o be o tla Nkgopela seno.”

²⁵³ “Gobaneng,” o rile, “sediba se a sobeletša, gomme ga O ne selo go ga ka sona.” O rile, “O ya go hwetša seno bjang—bjang, bjang?”

²⁵⁴ Gomme O rile, “Meetse a Ke a fago, e tla ba mothopo wa Meetse, moela, o phophomela godimo ka soulong.”

²⁵⁵ O rile, “Bjale, ema motsotso. Wena o Mojuda, Lena le rapela ka Jerusalema, gomme botatawešo ba rapela thabeng ye,” le go ya pele.

²⁵⁶ O rile, “Ntumele! Iri e etla, gomme bjale ke yona, ge le ka se rapele ka Jerusalema goba ka thabeng ye. Eupša Modimo ke Moya, gomme bao ba Mo rapelago ba swanetše go Mo rapela ka Moya.”

²⁵⁷ Ga go pelaelo mosadi yo monnyane o rile, “Bjale, ema motsotso. Moisa yo ke mang, go le bjalo?” O be a nyaka a tsebe gore O be a le Mang, ka baka la gore o be a swanetše go Mo tsebiša go Basamaria. “Ke Mang?” o boletše.

²⁵⁸ O boletše le yena metsotso e se mekae. O rile, “Mosadi, eya o tsee monnamogatša wa gago, gomme le tle mo.”

²⁵⁹ (Eupša o rile, “Bjale O dira botswerere,” le a bona.) O rile, “Ga ke ne monna e ka ba ofe.” Uh-oo!

²⁶⁰ Nako yeo lepara la ya godimo ga sehlabelo. Le a bona, se sengwe se diregile. Go diregile eng? O bone mohlololo wa Modimo. O rile, “O boletše therešo. Gobane, o bile le ba bahlano, gomme yo o dulago le yena bjale ga se monnamogatša wa gago, kafao o boletše therešo.”

²⁶¹ O retologile. O tsebile gore Modimo, go batho, o be a hwile lebaka la mengwaga; baprista ba bona le borabi, le go ya pele, ba boletše ka Modimo. Eupša o be a tshepišitšwe ka Beibeleng gore go be go etla yo Motee!

²⁶² O rile, “Mohlomphegi, ke a bona gore O moprofeta.” Le a bona? “Re a tseba gore Mesia o etla.” (“Bjale a nke ke be le kgontha ka se.”) “Re a tseba gore Mesia o etla.” (“Ke tla Mo kgopela se, gomme ke tla bona se lentšu la Gagwe le lego sona; monna a ka se mpotše seo, yoo a sa tsebego Modimo.”) “Re a tseba gore Mesia o etla, Yo a bitswago Kriste. Gomme, ge A etla, se ke selo se A tla se dirago ge A etla. Re Mo lebeletše.”

O rile, “Ke nna Yena.”

²⁶³ Seo se be se lekanetše. Seo se be se lekane. O kitimetše ka toropongkgolo. O rile, “Etlang, bonang Monna yo a mpoditšego dilo tše ke di dirilego.”

²⁶⁴ Pele a be a ka kgona go tliša molaetša wola, o ile a swanela ke go bona mohlolo wa Modimo. Pele a ka bona mohlolo wa Modimo, o ile a swanela go tsea Modimo go Lentšu la Gagwe. Yeo ke nnete tlwa.

Oo, nna, ka fao re ka yago pele! A re hwetšeng ye nngwe.

²⁶⁵ Pentecost. Ka morago ga ge ba sepetše le Lentšu, ka morago ga ge ba bone Lentšu, ka morago ga ge ba dumetše Lentšu; eupša pele ba ka bona mohlolo wa Pentecost, ba ile ba swanela go obamela Lentšu. Le a bona? “Eyang godimo toropongkgolo ya Jerusalema,” go boletše Lentšu, “gomme le lete fao go fihla le hlamišwa ka Maatla go tswa Godimo.”

²⁶⁶ Bjale, go ka reng ge matšatši a seswai a fetile, Mateo o lebeletše godimo go Mareka, gomme a re, “O a tseba ke eng? Ke bile le maikutlo a manyane a go se tlwaelege letšatši le lengwe, ao a swanetšego go ba a bile Moya wo Mokgethwa. O re boditše go leta godimo mo. O a bona, woo e se swanetše go ba e bile Wona.”

“Oo, a re leteng letšatši le lengwe.”

²⁶⁷ Letšatši la senyane le a tla. “Gabotse, bjale, O re boditše go ya godimo fa, matšatši a senyane a go feta. Ka kgonthe, a ga le dumele re O amogetše? Ke a dumela re O hweditše ge re Mo dumetše. A ga le nagane bjalo?” Oo, lena Mabaptist a go loka! Le a bona? O rile, “Ke a dumela. Ke a dumela re O hweditše, gobane O re boditše go tla godimo fa. Gomme le tseba se ke se dumelago? Ke a dumela, ka pela ge re fihla godimo mo, re obametše se A se boletšego.”

²⁶⁸ Eupša O boletše eng? Ga se a re, “Ge le fihla godimo kua, le tla O hwetša.” Ga se a ke a re, “Letang matšatši a mahlano, goba matšatši a senyane.” O rile, “Go fihla!” Yeo ke yona. “Bao ba letetšego Morena, ba tla mpshafatša maatla a bona.” Le a bona?

²⁶⁹ O dira eng? Tsea Lentšu la Gagwe, dira ka Lona gomme o dule thwi le Lona. Letšatši le lengwe le le lengwe, o ema monwana-nwana-nwana le Sathane, le Lona, “Go ngwadilwe! Go ngwadilwe! Go ngwadilwe! Go ngwadilwe! Go ngwadilwe! Go ngwadilwe! Go ngwadilwe!” Go swanetše go tla go phethega! O dira godimo ga Lentšu, le a bona, gona o tla bona mohlolo wa Modimo. Yeo ke nnete. Eupša sa pele o swanetše go dira go Lona.

²⁷⁰ Ba ile godimo kua gomme ba obametše Lentšu, ba dutše kua.

²⁷¹ Letšatši la senyane la tla. Ke kgona go kwa Petro a re, “Le a tseba ke eng, lena baena le nagana eng?”

²⁷² Mareka a ka no ba a tsogile, gomme a re, “Le a tseba ke eng? Baena, a re nong go O amogela ka tumelo, ka gore re a obamela.” Aowa, ga le obamele ka bottlalo.

²⁷³ O rile, “Ke kolobeditše leineng la ‘Tate, Morwa, le Mokgethwa . . .’” Bjale, seo—seo ga se go obamela ka bottlalo. Um-hum. Le a bona? O re, “Ke tšoenne kereke.” Seo ga se go obamela, le a bona. “Ke bušeletša Thutotumelo ya Baapostola.”

Seo go le bjalo ga se go obamela. “Oo, ngwanešu, ke tlogela go aketša ga ka le go utswa. Ga ke dire e ka ba eng ya bojato.” Seo go le bjalo ga se go obamela.

²⁷⁴ E swanetše go ba Tswalo! Go swanetše go ba se sengwe se diregago. O swanetše go hwa, gomme Sengwe se tswalwe ka go wena.

²⁷⁵ Oo, ka morago ga matšatši a mantši bjalo ba letile, matšatši a senyane a fetile. Ba rile, “A re nong go O amogela, gomme re ye pele ka bodiredi bja rena. Lefase le a hwa ntle kua, gobaneng re swanetše go leta botelele bjo bo itšego?”

²⁷⁶ Ke kgona go kwa Petro a re, “Eupša, le a tseba, Sengwe se a mpotša gore ga se ya be ya loka le bjale. Seo ga e no ba tlwa go obamela Lentšu. Le a bona, ge re letetše go bona mohlolo wo Modimo a re tshepišitšego, wa go romela Tshepišo ya Tate godimo ga rena, re swanetše go leta fa go fihla se sengwe se direga. Ka baka la gore, Lengwalo le boletše gore o tla tla ka lebopo le, Joele o rile, ‘Ke tla tšollela Moya wa Ka godimo ga nama yohle. Barwa le barwedi ba lena ba tla profeta. Godimo ga balata ba ka le bahlanka ba basadi Ke tla tšollela ntle Moya wa Ka. Ke tla bontšha maswao le matete ka Magodimong le ka lefaseng.’ Jesaya moprofeta o rile, ‘Gomme ka dipounama tša go kekeretša le maleme a mangwe Ke tla bolela le batho ba, gomme le ke letšatši la sabatha leo ba swanetšego go tsena ka go lona. Bakeng sa sohle se, ba ka se se kwe.’ Bjale, baena, re ka se kgone go sepelela ntle mo ka mokgwa woo, ntle le go bona boitemogelo bjo bo itšego le gatee, le a bona. Re swanetše go ba le se sengwe, gobane O rile, ‘Letang fa go fihlela le hlamišwa ka Maatla.’ Bjale ga ke na le Maatla a mangwe gape go feta ka mo ke dirilego ge ke etla ka mo. Ke bile mo bošego bjohle, ke bile mo bošego bja go latela, ke bile mo mašego a senyane. Ke no swana le ge ke be ke le ge ke etla ka mo. O re boditše re tla amogela Maatla, kafao a re nong go tšwelapele re letile.”

²⁷⁷ Ka gona, ka pelapela, ge ba obametše Lentšu la Modimo ka botlalo, ka gona ba bone mohlolo wa Pentecost. Ba bone Mollo o wela ka moagong. Pilara yela ya Mollo e theogetše tlase, magareng ga batho; gomme malakabe a magolo, boka maleme a maphakga, a dutše godimo ga yo mongwe le yo mongwe wa bona. Gomme bohole ba ile ba tlatšwa ka Moya wo Mokgethwa, gomme ba thoma go bolela ka maleme a mangwe, bjalo ka ge Moya o ba file polelo.

²⁷⁸ Se sengwe se diregile neng? Ge tša bona, ge ba dirile sephetho sa bona, gore ba be ba šetše ba O amogetše? Aowa. Ge ba obametše Lentšu la Modimo ka botlalo, ba bone mohlolo wa Pentecost. Kafao go bjalo lehono, o swanetše go dira selo se se swanago.

²⁷⁹ Bjale, bagwera, ka kgontha ke tla tswalela go ye. Ga ke ye go phetla letlakala le lengwe. Go lokile, monna wa go latela o ba komana ge ke bolela se.

²⁸⁰ Bjale, le ge re biditšwe se sengwe le se sengwe seo se ka bitšwago, se sebe, "mopshikologimokgethwa, mopenecostal, mothubakereke, moikaketši, Beletsebubu, molori." Se sengwe le se sengwe seo se ka bitšwago, re a bitšwa. Eupša ba dira eng, ba go bitsa eng? "Molori, Beletsebubu, moprofeta wa maaka, Jesu Feela," se sengwe le se sengwe gape seo se ka bitšwago, se sengwe le se sengwe se sebe seo se ka bitšwago.

²⁸¹ Eupša, ka go dumela Lentšu la Modimo la therešo, moprofeta wa Gagwe wa therešo wa Lentšu, re dira eng? Re bona dilo tše re di bonago.

Oo, ba tla tla go tšwa Bohlabela le Bodikela,
 Ba tla tla go tšwa dinageng tša kgole,
 Go keteka le Kgoši ya ren, go ja wa moeng wa
 Gagwe;
 Baeti ba ba šegofetše bjang!
 Ba bona sefahlego sa Gagwe sa go kgethega
 Se kganya ka lerato Kgethwa;
 Bašegofatšwa batšeakarolo ba mogau wa
 Gagwe,
 Ba kganya wa mabje bohlokwa koroneng ya
 Gagwe.
 Jesu o etla ka pela,
 Meleko ya ren, gona e tla fela.
 Oo, a go ka reng ge Morena wa ren, nako ye a
 ka tlela
 Bakeng sa bao ba lokologilego sebeng?
 Oo, a gona e tla go tlišetša thabo,
 Goba bohloko le manyami a go teba?
 Ge Morena wa ren, ka Letagong a etla,
 Re tla Mo gahlanetša godimo ka moyeng.

²⁸² Gobaneng? Re dira ka Lentšu la Gagwe! Amene. Bitša e ka ba eng o nyakago. Re bona leswao la Mesia magareng ga ren. Re bona Pilara ya Mollo. Re ka se kgone go e gana! Re bitšeng e ka ba eng ba nyakago. Modimo o fa. Saense e tšere seswantšho sa Yona. Gobaneng? Go obamela Lentšu la Gagwe! Ga se ya ke ya dirwa ka historing, eupša efela leihlo la motšhene la khamera le re ke Yena, go ne Seetša se rathile lense. Gobaneng? Go tšeeng Lentšu la Modimo pele! A nke dikerekemaina di le ragele ntle, ge di nyaka. A nke bohole ba le furalelele, ge le nyaka. Eupša dira ka Lentšu la Modimo, ge o nyaka go bona mehlolo ya Modimo!

²⁸³ Jesu o tshepišitše, "Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho."

²⁸⁴ Morongwa yola o tlide fase, Modimo o bonagaditšwe ka mmeleng wa motho, a retollela magetla a Gagwe go tente,

gomme a re go... a sa tsebe gore Abraham e be e le mang, a itira mo o ka rego, a re, "Abraham." E sego Abram; O be a sa tšo fetola leina la gagwe, matšatši a se makae pele ga fao. "O kae mosadimogatše wa gago, Sarah?" E sego S-a-r-a-i. S-a-r-a-h! "O kae mosadimogatša wa gago, Sarah?" O mmiditše ka leina la gagwe la botate, gomme yena ka leina la gagwe la mohumagatšana. Oo! O be a le Mang? Abraham o tsebile thwi nako yeo O be a le Mang.

O rile, "O ka tenteng, ka morago ga Gago."

²⁸⁵ O rile, "Ke ya go go etela, Abraham. Nna, Ke ya go go etela, go ya ka tshepišo ya Ka yeo Ke go fago, gobane o letile bjale mengwaga ye yohle. Mengwaga ye masomepeditlhano o e letetše. O dutše thwi le Lentšu, o dira ka Lentšu. O ganne gore ebile ke wena wa lefase. O bile moeti le mosetsebjie. O nyaka Toropokgolo ye e tlago, Moagi wa yona le Modiri ke Modimo. Ke go tshepišitše gore, ka ngwana yo yoo a tla tlišwago pele, gore o tla... o tla ba tatagoditšhaba tše ntši. Ke e tshepišitše. O dirile ka Lentšu, bjale o ya go bona mohlolo wa Modimo."

"Ke tla e bona bjang, Morena wa ka?"

"Sarah o kae, mosadimogatša wa gago?"

"Ka tenteng, ka morago ga Gago."

O rile, "Ke ya go go etela, go ya ka nako ya bophelo."

²⁸⁶ Gomme Sarah o segile ka gare ga gagwemong, o rile, "Nka kgona bjang, mokgekolo; le morena wa ka, motšofe, le yena; ka tsoge ka ba le boipshino gape?"

O rile, "Gobaneng Sarah a segile?"

²⁸⁷ O be a dirile ka Lentšu la Modimo. O be a bona mohlolo wa Modimo.

²⁸⁸ Jesu o rile, "Bjalo ka ge go bile matšatšing a Sodoma, go tla ba bjalo mo go tleng ga Morwa wa motho." Le a bona, dira ka Lentšu la Modimo, gomme o tla bona mohlolo wa Modimo.

²⁸⁹ E be e le eng? Ge re be re eme mo, e sego telele go fetile, re rera *Mabaka a Kereke*, le go a tliša fase, gomme leswao le lennyane lela le lego godimo kua, le a thadile mo letlapeng. Gomme thwi ka go batheeletši ba, pele ga batho ba bantši go feta ba dutše ka fa bjale, feela ka pela ge ke feditše go bolela, Seetsa se tuketše fase, gomme se ile morago mošola gomme se lekeletše lebotong lela. Gomme moriti o tlide godimo ga lona, mola yo mongwe le yo mongwe a e lebeletše, le go ela mabaka ao a kereke feela tlwa ka tsela ye a lego kua. Ke ba bakae ba lego mo bjale ba ba bego ba le mo letšatši lela, phagamiša seatla sa gago...?... Go se lebelela ka mahlo a lena beng! E be e le eng? Sa pele, go dumela Lentšu la Modimo, go rera Lentšu la Modimo, go amogela Lentšu la Modimo; gomme re bone mohlolo wa Modimo o tiišetša Lentšu, gore Le be le nepile.

Oo, Jesu o tla ka pela,
 Bohle mmogo.
 Meleko ya rena gona e tla fela.
 Oo, a go ka reng ge Morena wa rena nako ye a
 ka tlela
 Bao ba lokologilego sebeng?
 Oo, a gona e tla go tlišetša thabo,
 Goba bohloko le manyami a go teba?
 Ge Morena wa rena ka Letagong a etla,
 Re tla Mo gahlanelša godimo sebakabakeng.
 (Amene.)

²⁹⁰ Gobaneng? Re dumela go Lentšu la Gagwe, go bolokeng Oli ka leboneng, e goteditšwe le go tuka, “Go dumelela Seetša sa gago go phadima bjalo gore motho yo mongwe a kgone go bona mediro ye mebotse ya gago, dikenywa tša gago, tagafatša Tate yo a lego Legodimong.” Gomme go tla direga eng? Go dumeleng Lentšu la Modimo, le go dira godimo ga Lentšu la Modimo, re tla kopana le Yena godimo sebakabakeng. Ga go moriti wa pelaelo! Modimo a le šegofatše.

²⁹¹ Ke ya go tlogela, e ka ba tee tharo go kgabola. Ke tla e fetša nako ye nngwe, Morena ge a rata. “Ge Modimo a na le rena, mehlolo ya Gagwe e kae?” Uh-huh. Le a bona? A le a e dumela?

²⁹² O Modimo, a re boneng ngw—ngw ngwaga wo o tlago. A re boneng ngwaga wo o tlago, go fihla dipelo tša rena di ka se kgotsofatšwe ke kerekeleina, goba thutotumelo, ka go šišinya seatla, goba se se bitšwago, bodumedi. A nke re se kgotsofale go fihla re ikwela Maatla madiramehlolo ka go Modimo a tšeа... ka dipelong tša rena beng, a tšeela lefase ntle, gomme a bopa Kriste. Bjale, e sego bošegong bjo, gomme gosasa go thoma go dira se sengwe gape; eupša go gola ka go Yena, godimo go leemo la Gagwe. Re golela godimo go Yena, go fihla re kopana le Yena. A re inamišeng dihlogo tša rena.

Sekgoba, sekgoba, ee, fao go sekgoba,
 Fao go sekgoba Mothopong bakeng sa gago;
 Sekgoba, sekgoba, ee, fao go sekgoba,
 Fao go sekgoba Mothopong bakeng sa ka.

²⁹³ Tate wa rena wa Magodimong, ka boikokobetšo bja soulo le moya, makgwakgwā ka go segalontšu sa ka, gomme a sego makae mantšu a a ripago goba go kgaoga, Morena, ke a rapela gore O tla a tšeа le go a kgomanya mmogo; ke sa tsebe mokgwa wa go e dira, eupša go no bolela se se tlago ka monaganong wa ka. E bee fase ka pelong ya motho yo mongwe le yo mongwe, gomme ba dire ba bone le go e dumela, ka mokgwatebelelo woo e neetšwego. Gomme, Tate, go tla dira go fa mabaka go bona, go tla tliša Kriste go bona. Re šegofatše bošegong bjo, Tate. Re a leta, re dira ka Lentšu la Modimo.

²⁹⁴ Šegofatša banešu ba, Morena. Ntshwarele, Tate, go tšeeng nako ya bona ye nngwe. Ke a rapela gore O tla ba tlotša ka Moya wo Mokgethwa, ka tsela ye e lego gore Maatla a Modimo a tla wela go kgabola moago mo, gomme badiradibe ba ka tla aletareng gomme—gomme ba lla tsela ya bona go ya Khalibari, gomme gore balwetši ba tla fodišwa, gomme maswao a magolo le matete a tla dirwa, gomme re tla bona Maatla a go dira mohlololo a Modimo yo a phelago. Re letela seo, Tate, Leineng la Jesu. Amene.

²⁹⁵ Tumišang Morena! Le a Mo rata? Ge Modimo a na le rena, a re boneng leswao la Gagwe!

²⁹⁶ Le kae leswao la Mesia le le swanago maabane, lehono, le ka gosafelego? Ge Mesia yola a swana, O tla ba le leswao la go swana. O go kae? Yena ke wa mokgatlo ofe? Ke mokgatlo ofe re ka yago go o tšoena, le go hwetša Mesia, leswao la Gagwe? Ke ngwako ofe re ka tsenago, go Le hwetša? Naganang ka yona.

Tshwarelo, Ngwanešu Neville.

[Kgaetšedi o bolela ka maleme, ngwanešu o a hlatholla—Mor.]

Amene. Tumišang Jesu. Mošegofatšwa Jesu! Ke a Go leboga, Morena. Ke a Go leboga.



GE MODIMO A NA LE RENA, GONA MEHLOLO YOHL E KAE? NST61-1231E
(If God Be With Us, Then Where Is All The Miracles?)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Desemere 31, 1961, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org